

四庫全書

史部

欽定四庫全書

大事記續編卷三十五

明 王禕 撰

晉安皇帝義熙十三年

燕馮跋太平九年 秦帝姚泓永和二年 西秦乞伏熾磐永

康六年

魏明元皇帝泰常二年

西涼李歆嘉興元

年 北涼沮渠蒙遜玄始六年

夏赫連勃勃鳳翔五

年 春正月甲戌朔日有食之

以本紀修

秦將軍齊公恢反於

安定東平公紹擊誅之

以呂祖謙標目修

劉裕發彭城留其子

彭城公義隆鎮之

以通鑑修

二月西涼公暉卒子歆立改元

以呂祖謙標目修

解題曰宋庠紀年通譜曰不俟踰年改元

秦都督中外軍事魯公紹守潼關三月檀道濟沈林子

等與戰大破之紹退屯定城

以載記修

庚辰劉裕自清河入

河魏師救秦與裕夾河而行

以通鑑修

王鎮惡說弘農百姓

送義祖給軍食

以通鑑修

夏四月劉裕遣兵破魏河北軍遂

至洛陽

以通鑑修

秦魯公紹卒

以呂祖謙標目修

五月魏置六部大

人

以朱熹綱目修

秋七月沈田子等入武關屯青泥八月秦主

泓襲之大敗而還

以呂祖謙標目修

辛丑劉裕至潼關王鎮惡

水軍入渭大破秦軍遂入長安癸亥秦主泓降其子佛  
念死之

解題曰按載記姚萇以孝武太元九年僭立傳興至  
泓三世以安帝義熙十三年滅凡三十二年

九月裕至長安執泓以歸殺之通鑑夏人據安定降秦嶺

北郡縣以通鑑修冬十一月辛未劉穆之卒以太尉司馬徐

羨之掌留任以宋書紀傳修劉裕以其子桂陽公義真都督雍

涼秦州軍事雍東秦二州刺史太尉叅軍王修為安西

長史王鎮惡為安西司馬沈田子為安西中兵參軍十

二月庚子裕發長安夏王勃勃遣兵攻長安

以通鑑呂祖謙標目

修

晉安皇帝義熙十四年

燕馮跋太平十年

秦乞伏熾

帝泰常三年

西涼李歆嘉興二年

魏太宗明元皇

渠蒙遜玄始七年

夏赫連勃勃昌武元年

春正月

沈田子王鎮惡拒夏兵田子殺鎮惡王脩殺田子雍州

治中從事史傳弘之破夏兵却之

以朱熹綱目修

壬戌劉裕至

彭城

以呂祖謙標目修

劉裕以其子彭城公義隆都督荆益等

六州軍事荊州刺史

以呂祖謙  
標目修

三月遣使聘魏

以呂祖謙  
標目

修夏五月魏襲燕園和龍不克

以通鑑  
修

六月劉裕受相國

宋公加九錫之命

以呂祖謙  
標目修

秋七月癸亥彗星出太微

進掃紫微

以宋書五  
行志修

冬十月以西凉公歆為酒泉公

以本

紀修

挂陽公義真殺王脩宋公裕以相國司馬朱齡石鎮

長安十一月義真東還齡石亦走夏兵追之青泥大敗  
之獲傳弘之齡石奔潼關見殺

解題曰按晉書宋書魏書南史紀傳義熙十二年三

月加裕中外大都督初裕平齊仍有定關洛之意值  
盧循侵逼故其事不諧荆雍既平方謀外畧會姚興  
死子泓立兄弟相殺關中擾亂裕乃戒嚴北討加領  
征西將軍司豫二州刺史以世子義符為徐兗二州  
刺史裕欲以義聲懷遠奉琅邪王北伐五月加裕北  
雍州刺史以義符為中軍將軍監太尉留府事劉穆  
之為左僕射監領軍中軍二府軍事入居東府總攝  
內外以征虜王仲德為前鋒諸軍事遣冠軍檀道濟

龍驤王鎮惡步向許洛寧朔劉遵考建武沈林子出

石門

東平府之石門

從汴入河寧朔朱超石胡藩向半城

未詳

咸受統於仲德仲德率龍驤朱牧等開鉅野入河建威傳弘之振武沈田子等自武關入八月丁巳發京

師九月裕次彭城加領徐州刺史道濟鎮惡自淮淝

攻漆丘

杜預注左傳高平南平陽縣東北有漆鄉

項城泓將王苟生以漆

丘降鎮惡徐州刺史姚掌以項城降道濟遂入潁口

水經淮水又東潁水從西北注之

所至多降服惟新蔡

今蔡州縣

太守董



遵固守道濟攻破殺之進克許昌獲潁川太守姚坦  
及大將楊業林子從汴入河攻倉垣克之秦兗州刺  
史韋華降仲德將逼滑臺魏兗州刺史尉建棄城濟  
河仲德入滑臺魏主嗣遣叔孫建公孫表自河內向  
枋頭渡河曜威斬尉建於城下呼仲德軍人詰其侵  
境之意仲德遣竺和之答曰王征虜為劉太尉所遣  
入河西行將取洛城掃山陵之寇非敢侵犯魏境魏  
河內鎮將

魏河內郡  
在懷川

于栗磾築壘於河上禁防嚴密

裕甚憚之不敢前裕遺粟碑書求假道西上裕舟師  
自淮泗入清欲汴河西上泓乞師于魏魏主詔羣臣  
議之咸曰函谷關天險劉裕舟船步兵何能西入若  
北上河岸其行為易揚言伐姚意或難測寇不可縱  
宜先發軍斷河上流勿令西過崔浩曰興死子劣乘  
其危而伐之臣觀其意必欲入關若塞其西路裕必  
上岸北侵如此則姚無事而我受敵今蠕蠕內寇民  
食又乏發軍赴南則北寇進擊救北則南州復危未

若假之水道縱裕西入然後興兵塞其東歸之路此  
卞莊刺虎之勢也使裕勝必德我假道之惠姚氏勝  
亦不失救隣之名縱使裕得關中縣遠難守終為我  
物假令國家棄恒山以南裕必不能發吳越之兵與  
官軍爭河北居然可知乃遣黃門郎娥清冀州刺史  
乙旃眷襄州刺史長孫道生青州刺史阿薄干步騎  
十萬屯河北常有數千騎緣河隨大軍進止裕以冠  
軍向彌留戍礪礪

水經注其城臨水西南崩于河即  
故桂平縣宋王玄謨平礪礪劉義

恭以沙城令毀之魏登城之立濟州治王容曰廣韻  
作破礮元和郡縣志作礮礮津在濟州盧縣北一里  
通典曰宋書作礮礮與地廣記盧縣故城在進屯石  
鄆州陽穀縣西北今城已圯于河惟津在爾

門柏谷初裕與鎮惡等期若尅洛陽須大軍至未可  
輕前既而鎮惡等逕向潼關為姚紹所拒不得進軍  
乏食馳告裕求遣糧援時虜屯據河岸軍不得前鎮  
惡乃親到弘農督上民租百姓競送義粟軍食復振  
時軍人緣南岸牽百丈河流迅急有漂流北岸者輒  
為虜所殺畧遣軍過岸虜便退走軍還復來裕乃遣

白直隊主丁昨率七百人及車百乘於河北岸上去

水百餘步為却月陣兩頭抱河車置七仗士事畢使

豎一白旄

結毛為飾即今馬及刀槊上纓旄也

虜見數百人步牽車上

不解其意並未動裕先命朱超石馳赴之并齎大弩

百張一車益二十人設彭排

唐六典彭排之制六一曰滕排二曰團排三曰

漆排四曰木排五曰聯木排六曰皮排注釋名曰彭

旁也在旁排敵禦寇也纂文曰鹵大楯也今謂之彭

排故諸葛亮曰帳下持彭排百

於轅上虜見營陣既

救其膝團漆木皮皆古制也

立乃進圍營超石先以軟弓小箭射虜虜以衆少兵

弱四面俱至又遣長孫嵩三萬騎至遂肉薄攻營於是百弩俱發又選善射者叢箭射之虜衆多不能制超石初行別齎大鎚并千餘張稍乃斷稍長三四尺以鎚鎚之一稍輒洞貫三四虜虜不能當一時奔潰臨陣斬阿薄干虜退還畔城超石率胡藩劉榮祖等追之復為虜所圍奮擊盡日殺虜千計虜乃退走魏主聞之恨不用崔浩計

魏書列傳太宗遣長孫道生娥清破朱超石於石河擒騎

將揚豐斬首千七百級

秦征南姚洸鎮洛陽馳使請救泓遣越

騎校尉閻生率騎三千以赴之武衛姚益男將步卒

一萬助守洛陽又遣并州牧姚懿南屯陝津

在今陝州平陸

縣對岸有茅津

為之聲援洸部將趙玄說洸曰今寇逼已深

百姓駭懼眾寡勢殊難以應敵宜攝諸戍兵士固守

金墉以待京師之援金墉既固吳寇終不敢越金墉

而西困之堅城之下可以坐制其弊司馬姚禹潛通

于道濟主簿閻恢楊虔等皆禹之黨嫉玄忠誠咸共

毀之固勸洸出戰洸從之乃遣玄率精兵千餘南守

柏谷塢

宋敏求河南志因原為塢高數尺在河南府維氏縣東

廣武石無諱東

戍鞏城

今河南府鞏縣

玄泣謂洸曰明公不用忠臣之言為

姦孽所誤後必悔之會陽城成皋滎陽虎牢諸城悉

降冬十月道濟等長驅而至無諱至石關

河南志石關在河南

府鞏縣西北五里

奔還玄與晉將毛德祖戰于柏谷以衆寡

而敗死於陣姚禹踰城奔于王師道濟進至洛陽洸

降閭生益男遂不進裕修復五陵置守衛以冠軍將

軍毛脩之為河南河內二郡太守行司州事成洛陽



脩治城壘十二月進裕相國封宋公備九錫之禮乞  
伏熾磐遣使詣裕求效討羌姚懿舉兵僭號東平公  
姚紹入蒲坂執懿十三年正月征北姚恢率安定鎮  
戶三萬八千焚室宇以車為方陣自北雍州趣長安  
自稱大都督建義大將軍移檄州郡欲除君側之惡  
揚威姜紀率衆奔之建節毛完都棄新密奔長安恢  
至新支姚興徙李潤羌於安定尋徙新支則新支近  
安定也姚萇自安定如長安至新支則新支  
入長安  
之路也紀說曰國家重將在東京師空虛公輕兵徑

襲可必克矣恢不從南攻郿城鎮西姚謐為恢所敗  
長安大震弘馳遣姚裕及輔國胡翼度屯灋西紹率  
輕騎先赴難使姚洽司馬國璫將步卒三萬赴長安  
紹與恢相持于靈臺姚讚留寧朔尹稚為弘農太守  
守潼關率諸軍還長安恢見諸軍悉進懼其將黃齊  
等棄恢而降恢進軍逼紹讚自後要擊大破之殺恢  
及其三弟裕以舟師進討留彭城公劉義隆鎮彭城  
鎮惡進次澠池遣毛德祖攻秦弘農太守尹稚于蠡

城

按四夷郡國縣道記曹魏移漢澠池於河南福昌縣西蠡城周地圖魏賈逵為澠池令時縣治蠡城

宋書王鎮惡傳水經注皆云蠡城惟姚泓載記云蠡

吾城通鑑因之司馬康釋文云在高陽國屬冀州時

方攻潼關不應鎮惡領弘農太守方軌徑據潼關水

及河北蓋誤也鎮惡領弘農太守方軌徑據潼關水

注西征記曰沿路迤邐入函道六里得舊城周百餘步

北臨大河南對高山姚氏置關以守峽王鎮惡擅道

濟或據山或平地濱河帶險大小七營姚氏亦保據

山原尚傳故跡關之直北隔河有層阜世謂之風陵

南則河濱姚氏之營與晉對岸道濟林子攻拔襄邑

襄宇志七營皆在閿鄉縣西道濟林子攻拔襄邑

堡建威薛帛奔河東道濟自陝北渡攻蒲坂使將軍

荀早攻匈奴堡

在河東姚襄嘗攻之

為泓寧東姚成都所敗辛

西滎陽守將傅洪降魏求軍赴接泓進紹太宰大將軍都督中外諸軍事假黃鉞率武衛姚鸞等步騎五萬距潼關武衛姚驢與并州刺史尹昭表裏夾攻道濟道濟深壁不戰林子說道濟曰蒲坂城堅池浚不可旬月而剋攻之則士卒傷守之則引日久不如棄之還援潼關若潼關事捷尹昭可不戰而服道濟從之三月既至紹舉闕右之衆設重圍圍林子及鎮惡等時懸師深入糧輸難遠道濟議欲度河避其鋒或

欲捐棄輜重還赴裕林子按劍曰許洛已平關右將  
定事之濟否所係前鋒今捨已捷之形棄垂成之業  
大軍尚遠雖欲求還豈可復得下官受命前驅誓在  
盡命今日之事自為將軍辦之率麾下數百人犯其  
西北紹衆小靡乘其亂而薄之紹大潰俘虜以千數  
紹退保定城

今華州華陰縣郭緣生述征記亦云潼關三十里夾道各一城西征記曰城因

原上

留姚鸞斷兵守險絕道濟糧道時裕別將姚珍入

自子午竄霸入自駱谷衆各數千泓遣姚萬拒霸姚

疆拒珍鸞遣將尹稚與道濟司馬徐琰戰於關南為琰所獲紹謂諸將曰道濟等衆旅不多嬰壘自固者

正欲曠日持久以待繼援耳吾欲分軍徑據閔鄉

本漢

湖縣之閔鄉今屬陝州縣

以絕其糧道不至一月道濟之首可懸

之麾下矣諸將咸以為然其將胡翼度曰軍勢宜集

不可以分若偏師不利人心駭懼胡可以戰紹乃止

紹欲絕道濟糧道此即周亞夫破吳楚之策也翼度陰通劉裕所以力沮其謀薛帛據河曲

即春秋秦晉所戰之地在今河中之河東華之華陰以叛紹遣胡翼度據東原

姚鸞營大路與晉軍相接林子簡精銳銜枚夜襲鸞  
衆潰戰死紹復遣撫軍姚讚屯河上絕水道壘塹未  
立林子邀擊連破之讚奔定城姚紹遣長史姚洽寧  
朔安鸞爲護軍姚黑蟲河東太守唐小方率騎三千屯  
河北之九原在絳州  
正平縣欲絕道濟諸縣租輸裕以通津  
阻要兵糧所急復遣林子爭據河源林子率衆八千  
要洽大破之斬洽黑蟲小方紹忿恚託姚讚以後事  
使姚難屯關西嘔血而死裕至洛陽五月齊郡太守

王懿降魏上書稱劉裕在洛以軍絕其後路可不戰而克魏主善之崔浩在前講書傳問曰劉裕前軍已至潼關事得濟否浩曰昔姚興好養虛名而無實用子泓又病衆叛親離裕乘其危兵精將勇克之必矣裕還必篡其主秦地戎夷混并虎狼之國裕亦不能守之風俗不同人情難變欲行荆揚之化於三秦之地不得也若留衆守之必資于寇且可治戎東甲息民備境以待其歸秦地亦終為國有嗣笑曰卿量之



審矣又敕長孫嵩簡精兵為戰備若裕西過者便率精銳南出彭沛如不時過但引軍隨之於是叔孫建等尋河趣洛遂入關秋七月裕至陝城沈田子傅弘

之從武關屯據青泥

今永興軍藍田縣治水經注泥水西徑峽關北歷峽柳城魏置

青泥軍晉中興書桓溫使京兆太守擊青泥城

弘使姚裕率步騎八千距之

裕至關鄉弘欲自禦大軍慮田子襲其後欲先平田子然後傾國東出乃率步軍數萬奄至青泥田子本為疑兵所領纔數百欲擊之傅弘之曰彼衆我寡難

可與敵田子曰師貴用奇不必在衆弘之猶固執田  
子曰衆寡相傾勢不兩立若賊圍既固人情喪沮則  
事去矣及其未整薄之必克獨率所領鼓而進合圍  
數重躬勒士卒前後奮擊江東勇士便習短兵鼓譟  
奔之賊衆潰散所殺萬餘人裕慮衆寡不敵遣林子  
步自秦嶺通典藍田縣秦嶺在此界接援比至弘已摧破復共追  
討弘乃奔灞西裕至潼關遣朱超石徐猗之會薛帛  
于河北以攻蒲坂姚讚距裕于關西姚難屯于香城

河南志在河南府河清縣西北十五里載記姚讚遣姚難運蒲坂穀以給其軍至香城為王師所敗蓋可

也考裕遣王鎮惡王敬自秋社西渡渭以逼難軍鎮東

姚璞及姚和都擊敗猗之等超石奔潼關姚讚遣司

馬休之司馬國璠引魏兵以躡裕後姚難為鎮惡所

逼引師而西時大霖雨渭水汎溢讚等不得北渡鎮

惡水陸兼進追及難泓自灞上還屯石橋

水經注石橋水出馬

嶺山積石據其東麗山距其西北

以援之讚退屯鄭

城

今華州鄭縣

鎮北姚彊與難陣于涇上拒鎮惡鎮惡遣

毛德祖擊彊彊死難遁還長安裕進據鄭城泓使姚

洸屯灋西姚丕守渭橋胡翼度屯石積姚讚屯灋東

泓軍逍遙園

姚興於此聽說佛經水經注渭水承洸水東北流又東分為二一東入逍遙園

一北流于渭

鎮惡所乘皆蒙衝小艦行船者悉在艦內羌

見艦進艦外不見有行船人北土素無舟楫莫不驚

惋鎮惡既至今將士食畢便棄船登岸渭水流急倏

忽間諸艦悉逐流去時泓猶數萬人鎮惡撫慰士卒

曰卿諸人並家在江南此是長安城北門外去家萬

里而舫乘衣糧並已逐流去豈復有求生之計邪唯  
宜死戰可以立大功不然則無遺類矣乃身先士卒  
衆騰踴爭先破姚丕於渭橋泓赴之逼水地狹遂相  
踐而退姚謨等皆死泓單馬還宮鎮惡入自平朔門

周地圖記北而第四  
平朔門符氏所開

泓與姚裕等數百騎奔石橋讚

聞泓敗大泣胡翼度先與劉裕陰通是日棄衆奔裕  
讚將會泓于石橋不得入衆皆驚散泓將妻子詣壘  
門而降讚率宗室子弟百餘人降於裕裕盡殺之送

泓于建康斬之裕欲遷都洛陽衆議咸以為宜王仲德曰非常之事常人所駭今暴師日久士有歸心侯文軌大同然後議之可也裕深納之夏王勃勃謂羣臣曰劉裕伐秦水陸兼進裕有高世之畧姚泓豈能自固又其兄弟內叛安可以距人裕既克長安利在速返正可留子弟及諸將守關中待裕發軫吾取之若拾芥耳于是秣馬厲兵進據安定姚泓嶺北鎮戍郡縣悉降裕遣使遺勃勃書約為兄弟長孫嵩等自

成臯南濟晉屯戍皆奔潰冬十月己酉魏主召嵩等  
還詔進宋公爵為王十一月劉穆之卒以左司馬徐  
羨之代掌留任大事昔決于穆之者悉以諮裕裕欲  
息駕長安經畧趙魏會穆之卒乃歸留子桂陽公義  
真都督雍梁秦三州諸軍事安西將軍領雍秦二州  
刺史義真時年十二太尉諮議參軍王修為長史王  
鎮惡領司馬馮翊太守委以扞禦之任沈田子毛德  
祖為中兵參軍傳弘之為雍州治中從事史三秦父

老詣門流涕訴曰殘民不霑王化於今百年始覩衣冠方仰聖澤長安十陵是公家墳墓咸陽宮殿是公家屋宅捨此欲何之裕為之愍然慰譬之曰受命朝廷不得擅留感諸君戀本之志今以第二兒令文武賢才共鎮此境十二月庚子裕發長安自洛入河開汴渠以歸勃勃謂王買德曰朕將圖長安卿試言取之方畧買德曰劉裕滅秦所謂以亂平亂未有德政以濟蒼生關中形勝之地而以小兒守之狼狽而返



者欲速成篡事耳無暇有意於中原青泥上洛南師之衝要宜置游軍斷其去來之路然後杜潼關塞峭陝絕其水陸之道聲檄長安申布恩澤三輔父老皆壺漿以迎王師矣義真獨坐空城逃竄無所一旬之間必面縛麾下勃勃以子瑣都督前鋒諸軍事率騎二萬伐長安前將軍赫連昌屯兵潼關以買德為撫軍右長史南斷青泥勃勃率大軍繼發十四年正月瑣至渭陽降者屬路義真遣沈田子拒之虜甚盛田

子屯劉回堡遣使還報鎮惡謂王脩曰公以十歲兒  
付吾等當各思竭力而擁兵不進虜何由得平使還  
具說鎮惡言田子益激怒田子鎮惡俱出北地論者  
謂鎮惡欲盡殺南人以數十人送義真南還因據關  
中反田子宗人敬仁有勇力田子於弘之營內請鎮  
惡計事使敬仁殺之又於鎮惡營內殺鎮惡兄基弟  
鴻道淵及從弟昭郎弘凡七人弘之奔告義真義真  
率王脩被甲登橫門以察其變俄而田子至言鎮惡

反脩執田子以專戮斬焉壬戌裕至彭城解嚴義真  
賜與左右不節王脩常裁減之左右並怨義真曰鎮  
惡欲反故田子殺之脩殺田子是又欲反也義真乃  
使左右劉乞等殺脩脩既死人情離駭無相統一悉  
召外軍入于城中閉門拒守關中郡縣悉降璦夜襲  
長安不克勃勃進據咸陽長安樵採路絕裕聞之召  
義真東歸遣朱齡石鎮關中使義真輕兵疾發中書  
侍郎朱超石慰勞河洛諸將競餽財貨子女方軌徐

行赫連瑣帥衆三萬追義真將軍蒯恩斷後不能禁  
至青泥後軍大敗諸將悉被俘虜義真在前日暮虜  
不窮追中兵參軍段宏負之而歸百姓逐朱齡石齡  
石焚長安宮殿奔潼關超石至蒲坂值齡石至曹公

壘

水經注郭緣生述征記函  
谷關濟河之西有曹公壘

濟河就之俱沒初裕聞

青泥敗未得義真審問怒甚尅日北伐侍中謝晦奉  
常鄭鮮之上表諫及知義真已免乃止登城北望慨  
然不悅命羣僚誦詩謝晦詠王粲詩曰南登灞陵岸

回首望長安悟彼泉下人喟然傷心肝裕流涕不自勝於是夏王勃勃為壇於灞上僭即帝位此劉裕滅秦之本末也

夏王勃勃即帝位於灞上改元

以呂祖謙標目修

十二月戊寅

宋公裕弑帝立大司馬琅邪王德文為皇帝

以呂祖謙標目修

是歲以北涼王蒙遜為涼州刺史

以通鑑修

晉恭皇帝元熙元年

燕馮跋太平十一年

秦乞伏熾

磐永康八年

魏太宗明元皇帝

秦常四年

西涼李暠嘉興三年

北涼沮

春正月壬

渠蒙遜玄始八年

夏赫連勃勃真興元年

辰朔改元

紀本

解題曰宋庠紀年通譜元熙本劉淵年號

立妃褚氏為皇后

紀以本修

宋公裕還朝

紀以本修

戊戌有星孛

于太微

紀以本修

庚申葬安皇帝于休平陵

紀以本修

夏陷蒲坂

以呂祖謙  
標目修

二月夏王勃勃還統萬改元

以呂祖謙  
標目修

秋七

月宋公裕自進王爵八月移鎮壽春

以呂祖謙  
標目修

冬十月

宋王裕以其子司州刺史義真為揚州刺史

以通鑑修

十一

月丁亥朔日有食之


紀以本修

十二月宋王裕自加殊禮

以本修

紀修

卷三十五



大事記續編卷三十五

欽定四庫全書

史部

大事記續編卷三十六

詳校官檢討

臣朱依昊

編修

臣裴謙覆勘

總校官編修

臣倉聖脉

校對官助教

臣胡予襄

謄錄監生

臣張曾詣



欽定四庫全書

大事記續編卷三十六

明 王禕 撰

宋高祖武皇帝劉裕永初元年

魏太宗明元皇帝泰常五年

燕馮跋太平十二年

秦乞伏熾磐建弘元年

西涼李恂永建元年

北

涼沮渠蒙遜玄始九年

夏赫連勃勃真興二年

解題曰歐陽脩正統論絕晉於建興而復不與魏阮

逸作元經絕南於齊之初進魏於孝文太和五年司

馬光通鑑以宋齊梁陳為正統及隋滅陳然後以統

歸之宋庠紀年通譜絕南於晉亡進魏於明元帝泰

常五年朱熹曰劉聰石勒諸人皆晉之故臣故東晉以君臨之宋齊何可比東晉自古亦有無統時南北止當並書今從朱氏及紀年通譜

春正月秦王熾磐改元

以呂祖謙  
標目修

解題曰西秦自是稱秦

夏四月宋王裕以其子義康都督豫司雍并州軍事豫州刺史六月裕至建康丁卯即皇帝位

解題曰高祖有受禪意而難于發言乃集朝臣宴飲

從容言曰桓玄篡鼎命已移我首倡大義興復皇  
室南征北伐平定四海功成業著遂荷九錫今年將  
哀暮崇極如此物戒盛滿非可久安今欲奉還爵位  
歸老京師羣臣唯盛稱功德莫曉此意日晚坐散傳  
亮還外乃悟云餘見通鑑朱全忠急於傳禪使蔣玄暉等謀之玄暉與柳璨等  
議以魏晉以來皆先封大國加九錫殊禮然後受禪乃先除全忠諸道元帥全忠謂玄暉故逗遛其事以須變及加九錫遂不受世道至此又可浩歎也

大赦改元其犯鄉論清議一皆滌蕩

本紀

解題曰朱黻曰自昔帝王皆采求鄉論以為取士之本培植清議以善風俗之原不以朝廷之都俞而棄比閭之私語公卿之訓誥而廢羣下之清談彼誠知務也哉劉裕落拓無行不為當世之所推許雖已極富貴猶未免介然於其心故始初肆赦犯清議鄉論之人一切蕩滌而與之更始使取士不復以鄉論士大夫肆行不復畏清議者裕實啟之也

宋廢晉帝為零陵王遷之秣陵追尊考妣為帝后尊繼

妣王太后蕭氏為皇太后

以本紀修

宋廢晉封爵置王導謝

安溫嶠陶侃謝玄後

以本紀修

戊寅宋量增百官俸

以本紀修秋

七月辛卯宋復置五校三將官增殿中將軍員

以本紀修

宋

交州刺史杜慧度擊林邑大破之

以列傳修

解題曰交州漢治龍編獻帝治蒼梧廣信縣後徙治

南海番禺縣還治龍編領交趾

宋安南府愛陸陽三州之地

武平

安南府峯武安二州之地

新昌

峯州

九真

安南府愛福祿二州之地

九德

驩濱愛長四州

之地

日南

安南

義昌

未詳

宋平

安南府武安州之地

郡八

北凉王蒙遜伐西凉西凉公歆龍張掖蒙遜大敗之殺

歆入酒泉

以吕祖謙  
標目修

八月宋立太子義符為皇太子

以本

紀修

九月壬子朔宋置東宮殿中將軍十人

以本  
紀修

燉煌人

迎前太守李恂為凉州刺史

以通  
鑑修

解題曰宋庠紀年通譜時改元永建本漢順帝年號

宋高祖武皇帝永初二年

魏太宗明元皇帝泰常六年

燕馮跋太平十三年

秦乞伏熾磐建弘二年

西凉李恂永建二年

北

凉沮渠蒙遜玄始十年

夏赫連勃勃真興三年

春

正月辛酉宋主祀南郊大赦

以本  
紀修

解題曰郊赦始於此

宋廬陵王義真為司徒尚書僕射徐羨之為尚書令揚

州刺史中書令傅亮為尚書僕射

以本紀通鑑修

解題曰揚州後漢治厯陽魏晉治壽春平吳治建業

宋治京邑領丹陽尹

今建康常太

會稽

紹興慶元

吳

平江嘉興杭

吳興

杭湖

淮南

寧國池太

宣城

寧國池

嚴婺之地

東陽

紹興婺衛處

臨海

慶元台三

永嘉

溫處

新安

嚴徽池

郡十

二月宋親策試秀才孝廉

以本紀修

河西王蒙遜攻燉煌

以通

鑑修

三月乙丑宋初限荊州將吏

以本紀修

解題曰初限荊州府置將不得過二千人吏不得過一萬人州置將不得過五百人吏不得過五百人兵士不在此限薛季宣曰晉兵不競惟北府有功方桓玄篡竊義師之興不過一千七百人卒定天下高祖代晉亦惟內弱外強之故首置五校殿中東宮諸兵而限荊州置將不得過二千人且以揚州兵本不付



長沙正以享國日淺欲為貽後之業以荆居上流甲

兵半朝廷遺詔諸王遍居之此高祖之畧也按州郡

志荊州漢治江陵漢壽魏晉治江陵武昌沔陽襄陽

夏口上明領南今江陵襄陽南平江陵澧岳之地天門澧州宜

都峽施歸三州之地巴東夔施開忠萬州之地汶陽峽州南義陽澧州新

興晉僑置南河東晉僑置今屬江陵建平夔歸施三州大寧監之地永寧荆

門州武寧今荆門州郡十二

河西王蒙遜陷燉煌李恂自殺以通鑑修

解題曰按列傳嵩以安帝隆安四年立至宋少帝景平元年滅凡二十四年則燉煌之陷似在後兩年當攷

夏四月己卯宋毀淫祠以本紀脩五月己酉宋置東宮屯騎

步兵翊軍三校尉以本紀脩秋七月河西王蒙遜遣將伐秦

秦大敗之以通鑑脩九月宋弒零陵王謚曰恭皇帝葬沖平

陵以通鑑脩

解題曰弒舊君自此始世道又一變矣

宋高祖武皇帝永初三年

魏太宗明元皇帝泰常七年

燕馮跋太平十四年

秦乞伏熾磐建弘三年

涼沮渠蒙遜

玄始十一年

夏赫連勃勃真興四年

春正月癸丑宋

加徐羨之司空錄尚書事

以本紀修

二月丁丑宋分豫州淮

以東為南豫州分荊州置湘州

以呂祖謙標目修

解題曰分淮東為南豫州淮西為豫州南豫州所領

歷陽

今屬和州

南譙

滁無為二州之地

廬江

廬州無為州之地

南汝陰

廬州

南梁

屬安豐

晉熙

屬安慶

弋陽

光安豐二州之地

安豐

安豐

汝南

安豐

新蔡

光州

陳安

安慶

南頓

僑置帖治陳郡

潁川

僑置未詳

西汝陰

安豐

汝陽

僑置陳留僑置屬安豐南陳左郡邊城左郡光城左郡並今

屬安豐未詳豫州所領汝南蔡州新蔡潁昌蔡光之地譙郡睢拱宿三州之地

梁郡睢單二州陳郡淮寧順昌亳州南頓淮寧潁川潁昌汝陽淮寧蔡州之地

汝陰順昌陳留睢亳二州之地十郡淮東自永初至大明便為

南豫雖乍有離合而分立居多自泰始失淮西後於

淮東分立兩豫南豫以淮東為境不復更列二州覽

者按此推尋之則可得泰始兩豫分域齊州郡志豫州領南汝陰

晉熙潁川汝陽梁北陳陳留南頓西南頓北梁西汝陰北譙汝南北新蔡弋陽陳安豐光城左郡邊城建

寧齊昌等二十一郡永明二年割揚州宣城淮  
南豫州歷陽譙廬江臨江六郡復置南豫州  
湘州

領長沙

今屬潭  
衡二州

衡陽

宋常德寶慶二府  
潭衡二州之地

桂陽

郴衡二  
州桂陽

軍之

零陵

永全二州靜  
江府之地

營陽

道湘東

衡潭  
二州

邵陵

寶慶  
靖州

武岡

廣興

韶連廣南雄四州英  
德府南安軍之地

臨慶

賀昭廣封道新  
六州靜江府之

地

始建

靜江府昭潯  
二州之地

十郡元嘉七年又分豫州南豫

州泰始二年合九月又分三年五月又合四年以淮

南宣城為南豫州五年罷七年復分歷陽淮陰南譙

南兖州之臨江立南豫州元嘉八年省湘州十七年

又立二十九年又省孝建元年又立分合不常今皆畧而不書

三月宋以護軍將軍檀道濟為南兗州刺史

以呂祖謙標目修

解題曰南兗州晉成帝立寄治京口元嘉割江淮治

廣陵二十八年治盱眙其後還廣陵宋末領廣陵

今揚

真秦三州高郵府之地

海陵

秦通二州高郵府之地

山陽

淮安濠州宋招信軍之地

盱

眙

淮安招信軍

秦

真州招信軍

南沛

真州高郵招信之地

新平北淮陰北

濟陰北下邳東莞

並僑寄

十一郡

宋廬陵王義真都督南豫豫六州軍事車騎將軍南豫

州刺史

以紀  
傳修

夏四月乙亥宋封楊盛為武都王

以本  
紀修

五

月宋詔後世母后不臨朝

以呂祖謙  
標目修

宋徐羨之傅亮領

軍將軍謝晦鎮北將軍檀道濟受遺癸亥宋主殂

以本  
紀修

解題曰上不豫羣臣請祈禱神祇上不許唯使侍中

謝方明以疾告廟而已上疾甚召太子誠之曰檀道

濟雖有幹畧而無遠志非如其兄韶有難御之氣也

徐羨之傅亮當無異圖謝晦數從征伐頗識機變若

有全異必此人也小却可以會稽江州處之又為手  
詔曰朝不須復有別府宰相帶揚州可置甲士千人  
若大臣中任要宜有爪牙以備不祥人者可以臺見  
隊給之有征討悉配以臺見軍隊行還復舊後世若  
有幼主朝事一委宰相母后不煩臨朝仗既不許入  
臺殿門要重人可詳給班劔昔漢高帝將終呂后問  
曰蕭相國既死令誰代之上曰曹參可問其次曰王  
陵可然少繇陳平可以助之陳平知有餘然難獨任



周勃重厚少文然安劉氏者必勃也可令為太尉宋武帝垂絕之際評議其臣若無愧高帝之知人矣然高帝言如著龜武帝之肉未寒而徐傅諸人戕賊嗣君幾無遺育豈非武帝所處置不及高祖故歟至若遺詔母后不許臨朝則萬世不易之論也

皇太子義符即皇帝位尊皇太后曰太皇太后立妃司

馬氏為皇后

以本紀修

魏皇子太平王燾臨朝

以呂祖謙標目修

解題曰劉恕校正後魏書太宗紀四月封皇子燾為

太平王五月詔皇子臨朝聽政世祖紀四月封太平王五月為監國亦不言曾立為皇太子惟北史書立太平王燾為皇太子臨朝聽政高氏小史修文殿御覽亦無立皇太子事今從之

六月壬申宋傅亮為中書監尚書令謝晦領中書令

以紀

傳秋九月魏遣司空奚斤等攻宋冬十一月庚戌陷滑

臺

以呂祖謙  
標目修

解題曰按北史列傳宋武帝殂帝欲取洛陽虎牢滑

臺崔浩曰陛下不以劉裕歟起納其使貢裕亦敬事  
陛下不幸今死乘喪伐之雖得之不令春秋晉士丐  
侵齊聞齊侯卒乃還君子大其不伐喪今國家未能  
一舉而定江南宜遣人吊祭恤其凶災義風於天下  
令德之事也且裕新死黨與未離不如緩之待其惡  
稔如其強臣爭權變難必起然後命將揚威可以不  
勞士卒而收淮北之地帝銳意南伐曰劉裕因姚興  
死而滅其國裕死我伐之何為不可浩固執曰興死

二子交爭裕乃伐之帝大怒不從遂遣奚斤等南伐

餘見通鑑

按南史列傳崔宏因苻氏亂欲避地江南為張願所獲本圖不遂作詩以自傷浩以

孝聞必能察其中心之所存矣其力止魏之南伐豈不欲夷狄得志於中國猶王猛諫苻堅乎柳元景傳河北太守柳光世姊夫崔浩元嘉二十七年拓跋燾南寇浩密有異圖光世要河北義士為應浩謀泄被誅坐夷滅者甚衆光世南奔得免此自解之詞不足信也通典宋初強盛南鄭襄

陽懸瓠彭城厯城東陽皆為藩扞明帝時淮北四州

豫州西境陷歿則長淮為北境僑徐兗於淮南青冀

二州寄治贛榆後十餘年而亡

十二月丙戌魏主至冀州遣將軍叔孫建徇青兗宋兗

州刺史徐琰棄尹卯走己丑宋遣檀道濟等救之

以通鑑修

解題曰冀州義熙治青州文帝分青州立厯城領廣

川

今青淄二州

平原

濟南淄州

清河

淄州

樂陵

青州

魏

南

河間

僞置頓

丘

濟南

高陽

青密二州

勃海

淄州

九郡

青州

治臨

淄江

左治

廣

陵

義熙治東陽城孝武移厯城大明還治東陽明帝

於鬱州僑立齊北海西海郡舊領齊

青淄密三州

濟南

濟南

樂安

淄南

高密

淄青

平昌

密二州

北海

密青

東萊

青三州

東萊

登萊  
二州 太原

屬濟南

長廣

屬萊州

郡九兗州後漢治山陽昌

邑魏晉治廩丘武帝治滑臺文帝治鄒山又治彭城

復治瑕丘

山陽有瑕丘縣

宋末兗州寄治淮陰領泰山

宋襲慶府

沂淄  
二州 高平

襲慶府單

冀

襲慶府

東平

東平濮州之地

陽平

僑置濟

北  
襲慶濟南東平之地

郡六按宋書索虜傳虜將娥青二千南渡於碣磔東下至泗濱口去尹卯百許里兗州刺史

委軍鎮走水經注濟水側岸有尹卯壘南去魚山四

十餘里是穀城縣界春秋之小穀城也

在東平東阿縣後魏書有

尹卯固  
尹卯城

宋營陽王劉義符景平元年

魏太宗明元皇帝泰常八年 燕馮跋太平十五年

秦乞伏熾磐建弘四年 涼沮渠蒙遜

玄始十二年 夏赫連勃勃真興五年 春正月己亥朔

宋改元

以本紀修

癸卯魏取宋洛陽

以呂祖謙標目修

己未宋徵豫

章太守蔡廓為吏部尚書不受

以列傳修

解題曰徵廓為吏部尚書廓因傅隆問亮選事若悉以見

付不論不然不能拜也亮以語錄尚書徐羨之羨之

曰黃門郎以下悉以委蔡吾徒不復厝懷自此以上

故宜參同異廓曰我不能為徐干木署紙尾遂不拜  
羨之亦以廓正直不欲使居權要徙為祠部尚書葉  
適曰魏晉吏部即已專用人之柄况尚書乎後世盡  
奪吏銓歸廟堂宰相事但有此一條是其上者皆淪  
減不復見矣

二月戊辰魏築長城備柔然

以呂祖謙  
標目修

丁丑宋太皇太

后殂

以本  
紀修

三月魏將軍公孫表攻宋虎牢不克伏誅

以魏

傳魏叔孫建攻宋青州刺史竺夔於東陽不克

以呂祖  
謙標目



修夏四月魏主攻虎牢不克而還

以通鑑修

閏月魏陷虎牢

執宋冠軍將軍司州刺史毛德祖取司兗豫郡縣

以呂祖謙

修  
標目

解題曰晉太康天下一統州為二十自司冀雍涼青  
并兗豫幽平諸州淪沒遺民南渡僑置牧司江右又  
分荆為湘或離或合凡有揚荆湘江梁益交廣其徐  
州則有過半豫州唯有譙城而已宋分揚為南徐徐  
為南兗揚州之江西悉屬豫州分荆為雍分荆湘為

郢分荊為司分廣為越分青為冀分梁為南北秦太

宗初索虜南侵青冀徐兗及豫州淮西並皆不守於

是於鍾離置徐州淮陰為北兗而青冀二州治贛榆

之縣

通典宋孝武大明凡二十二州揚治建業南徐治京口徐治彭城南兗治廣陵兗治瑕南豫治

歷陽

豫治汝南江治尋陽縣青治臨淄冀治歷城司

治義陽荆治南郡郢治江夏湘治臨湘雍治襄陽梁

秦治南郡益治成都寧治建寧廣治南海交治龍編

越治臨漳自流民南度遷於江漢淮之間僑立州郡

廢置離合非一不能詳

制紀其所治經久者

冬十月己未有星孛于氏

宋本紀

解題曰按宋書本紀指尾貫攝提向大角仲月在危季月掃天倉而後滅是歲魏主薨

十一月魏取宋許昌汝陽

以呂祖謙標目修

魏主殂太平王燾

即皇帝位

以魏紀修

十二月魏封司徒長孫嵩為北平王奚

斤為宜都王藍田公長孫翰為平陽王

以魏紀修

解題曰王爵之輕自此始至唐而卒伍皆王矣通鑑載於魏太延元年書封穆壽等非事始也

魏起道士寇謙之道場謙之合老莊神仙符呪為一

以呂

祖謙標

目修

解題曰崔浩少好學博覽經史玄象陰陽百家之言  
無不閱綜研精義理性不好老莊之書每讀不過數  
十行輒棄之曰此矯誣之說不近人情必非老子所  
作老聃習禮仲尼所師豈設敗法文書以亂先王之

教胡寅曰浩以研精義理得名乃當時之譽云耳其實未嘗精也老莊之學雖或過或不及不得中道  
大抵皆奧竊宏達彼圖籙真經天宮靜輪之法後世  
無傳焉且有出於李譔文之作者其劣於老莊明矣  
浩顧信之而不信老莊為在其為研精也仲尼焉不  
學而亦無常師其問於老聃者或以證舊聞或以折

疑似或以其絕滅禮學之故而使於答問之際有所  
啟發非以為師也且禮之因革損益名數形器固自  
可問矣其絕滅禮學而以為忠信之薄而亂  
之者固自不足取豈相悖哉浩殆未之識也浩尤不

信佛常謂虛誕為世患害左右忌浩正直共排毀之

世祖雖知其能不免羣議故浩以公歸第浩纖妍潔

白如婦人常自比張良謂已稽古過之既得歸第因

欲修服食養性之術

浩自比張良故效其導引辟穀而修服食養性之術然此特其

迹耳良明哲保身之道非浩所能知也

時道士寇謙之好仙道少修張

魯之術居嵩岳有李譜文來臨云老君之玄孫授文

錄六十餘卷號曰圖錄真經付汝奉持輔佐北方太平真君出天宮靜輪之法能興造克就則起真仙矣李君手筆有數篇謙之奉其書而獻之朝野未全信也浩獨異其言因師事之授其法術上書贊明其事曰臣聞聖王受命則有天應而河圖洛書皆寄言於蟲獸之文未若今日人神接對手筆粲然辭旨深妙自古無比豈可以世俗常談而忽上靈之命世祖欣然乃使謁者奉玉帛牲牢祭嵩岳崇奉天師顯揚新

法起天師道場於京城之東南重壇五層給道士百  
二十人衣食月設厨會數千人

甲子

宋太祖文皇帝劉義隆元嘉元年

魏世祖太武皇帝拓跋燾始光元年 燕馮跋太

平十六年

秦乞伏熾磐建弘五年

涼沮

渠蒙遜玄始十三年

夏赫連勃勃真興六年

春正月癸

巳朔日有食之

宋紀

魏改元

以魏紀修

宋徐羨之等廢廬陵王

義真為庶人徙之新安前吉陽令張約之諫尋被殺

以通

鑑目  
錄修

解題曰按列傳徐羨之將廢廬陵王以告檀道濟道

濟意不同屢陳不可不見納餘見通鑑

夏四月宋召檀道濟及江州刺史王弘入朝

解題曰江州

晉惠初治豫章成帝移尋陽

領尋陽

今江池興國南康之地

豫

章

隆興瑞泰臨江南康興國之地

鄱陽

饒徽池信撫之地

廬陵

撫吉安臨江之地

安

成

表吉安臨江之地

南康

贛吉安南

南新蔡

僑置建安

建寧信延平邵

武之地

晉安

建寧福泉漳汀延平興化之地

郡九

五月乙酉徐羨之傳亮謝晦廢其主為營陽王遷之吳

郡六月遣傅亮迎宜都王義隆于江陵癸丑弒營陽王



解題曰按列傳傳亮帥百僚奉迎宜都王蔡廓亦俱行至尋陽遇疾不前亮詣廓別廓曰營陽在吳宜厚加供奉不幸營陽卿諸人有弑主之名欲立於世將可得耶時亮已與羨之議害少帝乃馳信止之信至已不及羨之大怒曰與人共計議奈何裁轉背便賣惡於人餘見通鑑

廓之言即霍光勅左右謹護昌邑之言也光猶不免於赤族况羨之輩乎

昔

伊尹之告太甲反覆懇到惟恐其陷於過其以欲縱敗度禮則放之既又從而復之營陽失德羨之輩居

受遺之任未聞一語諫教殆養成其惡以為藉手之  
資廢徙未幾旋行戍賊豈非不學之過歟鄭鮮之方  
謂觀徐傅議論不復以學問為長豈其然乎

殺前廬陵王義真

解題曰羨之等連斃二王有若割孤豚蓋習見零陵  
王之事而不以為怪也事見通鑑

謝晦都督荆湘等州軍事荊州刺史

以呂祖謙  
標目修

解題曰薛季宣曰宋鎮荊州者十一人唯謝晦朱修

之沈攸之三異姓耳初高祖用義隆次謝晦晦元嘉三年反誅次義康次義恭次義慶次義宣義宣孝建元年反誅次朱修之次子頊以應子勛誅次休佑次休若泰始七年皆誅次沈攸之反誅

秋八月丙申宋宜都王義隆至建康丁酉即皇帝位改元

解題曰事見通鑑宋庠紀年通譜元嘉本漢桓帝年號

癸卯徐美之為司徒其餘除拜有差

以本紀修

宋以鎮西長

史王曇首為侍中右衛將軍司馬王華為侍中南蠻校

尉到彥之為中領軍

以紀傳修

解題曰文帝既以王華為領軍將軍又以彥之為中

領軍蓋用漢文任宋昌張武故事也雖人情事勢之

所使然其示天下亦不廣矣事見通鑑

九月丙子宋立妃袁氏為皇后

本紀

冬十二月夏太子璿

殺其弟酒泉公倫倫兄太原公昌龍褒瑱殺之

以朱熹綱目修

宋太祖文皇帝元嘉二年

魏世祖太武皇帝始光二年

燕馮跋太平十七年

秦乞伏熾磐建弘六年

涼沮渠蒙遜

春正月宋徐羨

之始十四年

夏赫連昌承光元年

之傅亮歸政

以呂祖謙  
標目修

三月丙寅魏主尊保母竇氏為

保太后

以呂祖謙  
標目修

魏以長孫嵩為太尉長孫翰為司徒

奚斤為司空

以本  
紀修

夏六月武都王楊盛卒

以列  
傳修

秋八月

夏主勃勃卒太子昌即帝位改元

以呂祖謙  
標目修

冬十月癸

卯魏伐柔然

以魏  
紀修

十一月宋以武都世子楊玄為王

以  
通

鑑修

次定四事全書

宋太祖文皇帝元嘉三年

魏世祖太武皇帝始光三年

燕馮跋太平十八年

秦乞伏熾磐建弘七年

涼沮渠蒙遜

春正月宋徐羨

之始十五年

夏赫連昌承光二年

之傅亮伏誅遣到彥之征北將軍檀道濟討謝晦

以呂祖謙

標目

丁卯宋車騎大將軍江州刺史王弘為司徒錄尚

書事揚州刺史驃騎將軍開府南徐州刺史彭城王義

康都督荆湘等八州軍事荊州刺史

以紀傳通鑑修

解題曰按州郡志晉永嘉大亂流民過淮亦有過江

在晉陵者郗鑒又徙流民之在淮南者於晉陵諸縣

其徙江南及留江北者並僑立郡縣徐兗或治江南

或治江北江北又立幽冀青并四州義熙七年始分

淮北為北徐淮南為徐州後又以幽冀合徐青并合

兗永初二年加徐曰南徐而淮北曰徐元嘉八年以

江北為南兗江南為南徐故南徐備有徐兗幽冀青

并揚七州郡邑領南東海

今鎮江揚常江陰之地

南琅瑯

今屬建康

晉陵

鎮江平江常州江陰之地

義興

常安吉江陰之地

南蘭陵

屬建康

南東

莞

僑置

臨淮

今屬常州

淮陵

屬常州

南趨城

屬建康

南清河

僑置

南

高平

僞置

南平昌

僞置

南濟陰

僞置

南濮陽

僞置

南泰山

僞置

南

濟陽

僞置

南魯郡

僞置

十七

二月庚申宋主討謝晦戊辰到彥之等大破晦軍丙子

宋主還晦尋伏誅

以本紀修

解題曰按列傳晦至江口到彥之已到彭城洲

在今岳州

巴陵縣東北

庾登之據巴陵畏懦不敢進會霖雨停軍十

五日乃攻蕭欣於彭城洲中兵參軍孔延秀率三千人進戰甚力欣於陣後擁盾自衛又委軍還船於是大



敗延秀又攻洲口柵陷之彥之退保隱圻

即隱磯水經江水自

彭城磯東逕如山北注謂彭城磯北對隱磯江中有大石孤立按岳陽志江水又北東逕彭城口過臨湘

縣初晦與徐羨之傅亮謀為自全之計晦據上流而

擅道濟鎮廣陵各有彊兵以制朝廷羨之亮於中秉

權可得持久及太祖將行誅王華之徒咸云道濟不

可信太祖曰道濟止於脅從本非事主殺害之事又

所不關吾召而問之必異於是詔道濟入朝授之以

衆委之西討晦聞羨之等死謂道濟必不獨全及聞

率衆來上惶懼無計

晦初上表曰雖未知臣道濟問推理即事不容獨存又上表曰

美之亮橫被酷害并及臣門雖未知道濟存亡不容獨免晦以為道濟信死矣及聞其率衆來上所以惶懼也道濟既至與彥之軍合牽艦緣岸晦始見艦數不

多輕之不即出戰至晚因風帆上前後連咽西人離

阻無復鬪心臺軍至忌置洲尾

水經江水又東左得二夏浦鄴注夏浦俗

謂之西江口又東逕忌置山南山東即隱口浦江之右岸有城陵山按圖經城陵山在岳州東北五十里又岳陽志江水逕城陵山下過道人磯與別港合則忌置洲蓋與城陵山道人磯相通也列艦過

江海大軍一時潰散餘見通鑑

夏五月乙未宋南兗州刺史檀道濟都督江州之江夏

豫州四郡軍事征南大將軍江州刺史到彥之為南豫

州刺史

以本紀修

六月宋以王華為中護軍時宰相無常官

尚書令僕中書監令侍中侍郎給事中凡帝所與論政

事者皆要官當時號華與侍中劉湛王曇首殷景仁黃

門侍郎謝弘微為五臣

以通鑑修

解題曰按通典宋齊梁陳丞相相國多非常人臣之  
職或掌機密或錄尚書或綜朝權或筦朝政或為侍

中或給事中或受顧命皆為宰相然中書機務之司不必他名亦為宰相其有侍中兼外官若王弘侍中兼內官若沈演之其例不少即非宰相並在當時委任而已又按列傳上欲封曇首等會讌集舉酒勸之因拊御床曰此坐非卿兄弟無復今日時封詔已成出以示曇首曇首曰近日之事賴陛下英明速斷故罪人斯戮臣等雖得仰憑天光效其毫露豈可因國之災以為身幸陛下雖欲私臣當如直史何上不能

奪餘見通鑑胡寅曰易曰聖人之大寶曰位又曰崇高莫大乎富貴此非以利言也中天下而立負黼黻而朝所謂天位也普天之下莫非王土非私富也天生民而立之君非私貴也以天德居天位貴為天子而富有天下天地之常經古今之通義也王者之迹熄而正心誠意之學不傳於是乎由欲而滅理徇利而忘義以富貴寶位為己私於是位不為寶富貴不足以崇高而人之大彝泯矣文帝拊床自慶一何其

所見之禍而度量之隘乎曇首之對亦微足以警之  
矣

秋八月秦攻河西夏襲秦秦師還

以通鑑修

宋大旱蝗

以本紀修

九月魏攻夏蒲坂陝城冬十月丁巳魏主襲夏十一月

壬午入統萬城別將克蒲坂長安

以魏紀修

是歲魏以漏戶

屬郡縣

以通鑑修

宋太祖文皇帝元嘉四年

魏世祖太武皇帝始光四年

燕馮跋太平十九年

秦乞伏熾磐建弘八年

涼沮渠蒙遜

春正月乙酉魏

玄始十六年

夏赫連昌承光三年

春正月乙酉魏

主還

以通鑑修

夏五月魏主伐夏

以魏紀修

宋王華卒

以本紀修

六月

癸卯朔日有食之

以本紀修

甲辰夏主昌及魏戰于城下軍

潰奔上邽乙巳魏取統萬秋八月魏主還

以呂祖謙標目朱熹綱目

修

九月丁酉夏安定降魏

以魏紀修

冬十一月魏封楊玄為

南秦王

以朱熹綱目修

晉前彭澤令陶潛卒

以晉宋列傳修

解題曰按宋書列傳陶潛字淵明或云淵明字元亮

侃之曾孫少有高趣嘗著五柳先生傳以自況親老

家貧起為州祭酒不堪吏職少日自解歸州召主簿

不就躬耕自資遂抱羸疾江州刺史檀道濟請候之  
謂曰賢者處世柰何自苦如此對曰潛也何敢望賢  
志不及也道濟饋以梁肉麾而去之為彭澤令不以  
家累自隨郡遣督郵至縣吏曰應東帶見之潛歎曰  
我不能為五斗米折腰向鄉里小人即日解印綬去  
賦歸去來以遂其志義熙末徵著作佐郎不就潛弱  
年薄宦不潔去就之迹自以曾祖晉世宰輔恥復屈  
身後代自宋武帝王業漸隆不復肯仕所著文章皆



題年月義熙以前則書晉氏年號自永初以來唯云

甲子而已卒號靖節先生

宋太祖文皇帝元嘉五年

魏世祖太武皇帝神麤元年

燕馮跋太平二十年

秦乞伏慕末永弘元年

涼沮渠蒙遜

春正月戊子宋

玄始十七年

夏赫連定勝光元年

大火

以本紀修

二月魏改元

以本紀修

解題曰按靈證志時定州獲白麤故改元

夏主昌自平涼進攻安定兵敗被擒其弟平原公定奔

平涼即帝位改元魏兵追之三月敗於馬髦嶺夏復取

安定長安

以呂祖謙  
標目修

解題曰馬髦嶺在今渭州平涼縣西載記符登奔平涼集遺衆入馬毛山元和郡縣志寰宇記作馬屯山字之訛也

夏五月秦王熾磐卒子暮末立改元

以呂祖謙  
標目修

宋王弘

遜位降為衛將軍開府

以本  
紀修

解題曰按列傳左光祿大夫范泰謂弘曰天下務廣而權要難居卿兄弟盛滿當深存謙挹彭城王帝之

次第宜徵入朝共參朝政時旱災未已加以疾疫弘引咎遜位平陸令成粲與弘書曰周之宗盟異姓為後權軸之要任歸二南彭城王道德昭備上之懿弟所應推先弘本有退志由是固有陳請胡寅曰親賢並用古今通義也然用親故亦以賢為尚非專取其親也取親而不擇賢晉之事可鑑矣義康吏能足稱豈有道德可居輔相之地耶泰粲忠於王弘宜勸使博求賢人與共天位乃猥以義恭為言於是乎志正

而識近矣

六月河西圍秦樂都秦請和乃還

以通鑑修

冬十一月乙未

朔日有食之十二月河西復侵秦

以通鑑修

宋太祖文皇帝元嘉六年

魏世祖太武皇帝神䴥二年

燕馮跋太平二十一年

秦乞伏暮末永弘二年涼沮渠蒙

遜承玄元年夏赫連定勝光二年

春正月宋彭城

王義康都督揚南徐兗州軍事司徒錄尚書事平北將

軍徐州刺史撫軍將軍徐州刺史江夏王義恭為散騎

常侍都督荆湘等八州軍事荊州刺史

以呂祖謙標目修

解題曰按列傳義恭涉獵文義而驕奢不節太祖與  
書誡之曰汝以弱冠便親方任天下艱難國家事重  
雖曰守成實亦未易豈可不感尋王業深自砥礪思  
而後行開布誠心厝懷平當親禮國士友接佳流識  
別賢愚鑑察邪正然後盡君子之心收小人之力汝  
性褊急性之所滯其欲必行意所不在從物回改此  
最弊事豁達大度漢祖之德猜忌褊急魏武之累衛  
青遇士大夫以禮與小人有恩西門安于矯性齊美

關羽張飛任偏同弊深宜鑑此若事異今日嗣子幼  
蒙司徒便當周公之事汝不可不盡祇順之理爾時  
安危天下決汝二人耳汝一月日自用不可過三十  
萬若能省此益美西楚殷曠常宜早起接對賓佐勿  
使留滯府舍住止計當無須改作凡訊獄多決當時  
難可逆慮此實為難訊前一二日取訊簿密與劉湛  
輩共詳至訊日虛懷博盡慎無以喜怒加人能擇善  
者而從之美自歸已不可專意自決以矜獨斷之明

也刑獄不可擁滯一月可再訊人有至誠所陳不可漏泄以負忠信之款也名器深宜慎惜不可妄以假人昵近爵賜尤應裁量吾於左右雖為少恩如聞外論不以為非聲樂嬉遊不宜令過蒲酒漁獵一切勿為供用奉身皆有節度奇服異器不宜興長宜數引見佐吏非唯臣主自應相見不數則彼我不親無因得盡人也觀此書則元嘉之規模畧可見矣

三月丁巳宋立劬為皇太子

以呂祖謙  
標目修

夏四月魏命太

常卿崔浩為國書

以通鑑修

庚寅魏主伐柔然

以魏紀修

解題曰事見通鑑林之奇曰違衆議而用人之策以決大事此誠天下之至難善用人之策則如晉武之於杜預魏太武之於崔浩隋文帝之於賀若弼不善用之則如晉顯宗之於庾亮苻堅之於慕容垂晉出帝之於薛文遇

五月壬辰朔日有食之

紀本

河西伐秦六月秦敗之

以通鑑修

魏大破柔然

以呂祖謙標目修

秋七月武都王楊玄卒其弟難



當廢其子保宗自立

以通鑑修

八月魏主擊高車降之冬十

月徙柔然高車降民於漠南

以呂祖謙標目修

十一月己丑朔

日有食之不盡如鉤星晝見

以紀志修

十二月河西吐谷渾

遣使貢宋

以本紀修

解題曰水經注關駟十三州志廣大坂在抱罕西北

罕开在焉吐谷渾自燕歷陰山西馳而居於此

秦地震

以通鑑修

是歲河西改元

以通鑑錄修

解題曰通鑑目錄是歲河西王蒙遜改元承玄通鑑

不書

宋太祖文皇帝元嘉七年

魏世祖太武皇帝神麌三年

燕馮跋太平二十二年

秦乞伏暮末永弘三年

涼沮渠蒙

春三月戊子宋

遼承玄二年

夏赫連定勝光三年

遣將軍到彥之王仲德等自清水入河以伐魏

以宋魏本紀修

甲寅宋前軍中領軍殷景仁為領軍將軍

本紀

夏六月己

卯宋以揚難當為武都王

以紀傳修

秋七月宋到彥之至須

昌魏攝礪礪滑臺虎牢洛陽戍兵北渡彥之緣河屯守

八月丙寅遣將渡河魏將軍安頡破之

以呂祖謙標目修

解題曰須昌故城在今東平府須城縣東三十里事

見通鑑

碑在濟州盧縣北一里輿地廣記盧縣故城在鄆州陽穀縣西北

九月燕王跋卒其弟司徒弘殺太子翼而自立

以呂祖謙標目

修

甲辰魏主伐夏

以通鑑修

冬十月戊午宋鑄四銖錢

本紀

子魏安頡取洛陽辛巳取虎牢

以呂祖謙標目修

秦王暮末逼

於河西走保南安地入吐谷渾

以呂祖謙標目修

十一月己酉

魏主圍夏主定於鶻觚原

以通鑑修

解題曰今涇州良原縣本漢鶻觚縣地古密國有白

石原首起縣西南三十里東下分為兩原

壬辰宋遣檀道濟督諸軍北討甲午魏軍濟河到彥之

走

以呂祖謙  
標目修

解題曰殿中將軍垣護之隨到彥之北伐彥之將回  
師護之為書諫曰殘虜畏威望風奔逆八載侵地不  
戰克復方當長驅朔漠窮掃遺醜况乃自送無假遠  
勞宜使竺靈秀速進滑臺助朱脩之固守節下大軍  
進擬河北則牢洛遺寇自然奔退昔人有連年攻戰

失衆乏糧者猶張膽爭前莫肯輕退况今青州豐穰  
濟漕流通士馬飽逸威力無損若空棄滑臺坐喪成  
業豈是朝廷受任之旨彥之不納餘見通鑑李舜臣  
曰宋文帝大舉北伐而魏人遽歛戍相避此豈其情  
也哉觀崔浩欲縱使北來徐取於秋高馬肥之際而  
魏主亦欲躬自往擊於冬寒地淨之時此其謀甚不  
可忽也使彥之輩勵兵秣馬以攻為守東道衝冀西  
道指鄴如此則敵常備我之不暇而何暇於攻哉列

守河南東西二千里一處不過數千祇足為敵人之  
餌爾而謂之知兵可乎方魏之伐蠕蠕也其國人皆  
謂宋師南侵而捨之北伐此危道也當時既不知擣  
其虛及魏之伐赫連也其國人又謂宋師皆在河中  
若捨之西行則失山東矣又不能乘其隙魏人既舉  
蠕蠕赫連旁無後憂然後致疾於我雖有智者不知  
所以為計矣

夏主定走保上邽魏取安定隴西

以呂祖謙標  
目魏紀修

辛丑魏

攻滑臺

以魏紀修

魏叔孫建都督冀青等四州軍事

以通鑑修

已

酉魏主圍夏主定於鶻觚原

以通鑑修

十二月丁卯魏克夏

平涼取關中

以魏紀修

宋到彥之王仲德下獄免官

以通鑑修

宋

王曇首卒

以列傳修

宋太祖文皇帝元嘉八年

魏世祖太武皇帝神麀四年

燕馮弘大興元年

秦

乞伏暮末永弘四年  
涼沮渠蒙遜  
義初元年  
夏赫連定勝光四年

春正月壬午朔燕

改元

以呂祖謙標目修

解題曰宋庠紀年通譜太興本晉元帝年號

宋檀道濟救滑臺丁酉大破魏師于壽張

以紀傳修

解題曰壽張今東平屬縣

夏取南安執秦王暮末以歸殺之

以呂祖謙標目修

解題曰按載記始國仁以晉太元十年僭位至暮末

四世凡四十六載而滅

宋庠紀年通譜乞伏上距國仁通乾歸降姚興復自立四

十七年矣

二月辛酉魏取滑臺

以呂祖謙標目修

癸酉魏主還

以朱熹綱目修宋

檀道濟軍還丁丑青州刺史蕭思話奔平昌

以本紀修



解題曰按宋書州郡志平昌郡魏文帝分城陽立今

密州

夏六月夏主定擊河西吐谷渾邀而執之

以呂祖謙  
標目修閏

七月魏請昏于宋自是聘使不絕

以呂祖謙  
標目修

宋撫軍長

史劉湛為太子詹事給事中參知政事

以呂祖謙  
標目修

秋九

月庚申魏特進光祿大夫崔浩為司徒

以本  
紀修

癸亥魏以

河西王蒙遜為涼王

以本  
紀修

解題曰北凉自是稱凉

壬申魏徵世胄名士

以朱熹綱目呂祖謙標目修

解題曰本紀詔曰頃方夏未寧戎車屢駕今二寇摧殄將偃武修文理廢職舉逸民拔起幽窮延登雋乂昧旦思求想遇師輔雖殷宗之夢版築罔以加也訪諸有司咸稱范陽盧玄博陵崔綽趙郡李靈河間邢穎勃海高允廣平游雅太原張偉等皆賢雋之胄冠冕州邦皆羽儀之用詩不云乎鶴鳴于九皋聲聞于天庶得其人任之政事共臻邕熙之化易曰我有好

爵吾與爾縻之如玄之比隱跡衡門不耀名譽者盡  
敕州郡以禮發遣遂徵玄等及州郡所遣至者數百  
人皆差次敘用明年高允同徵盧玄崔綽廣甯燕崇  
常陟勃海高毗李歆博陵許堪京兆杜銓韋闔趙郡  
李詵李靈李遐太原張偉范陽祖邁祖侃中山劉策  
常山許琛西河宋宣燕郡劉遐河間邢穎勃海高濟  
雁門李熙廣平游雅博陵崔建西河宋愔長樂潘天  
符杜熙中山張綱上谷張誕鴈門王道雅閔弼中山

郎苗上谷侯辯趙郡呂季才

冬十月戊寅魏崔浩更定律令

以魏紀修

是歲涼改元

以通鑑修

解題曰宋庠紀年通譜蒙遜受魏涼州牧涼王之號

故改元

宋太祖文皇帝元嘉九年

魏世祖太武皇帝延和元年

燕馮弘大興二年涼

沮渠蒙遜義和二年

春正月丙午魏尊保太后為皇太后立貴人

赫連氏為皇后子晃為皇太子改元

以本紀修

解題曰按魏書皇后傳序太祖追尊祖妣皆從帝謚

為皇后始立中宮餘妾或稱夫人多少無限然皆有  
品次世祖稍增左右昭儀及貴人椒房中式數等後  
庭漸已多矣又世祖高宗緣保母劬勞之恩並極尊  
崇之義高祖改定內官左右昭儀位視大司馬三夫  
人視三公三嬪視三卿六嬪視六卿世婦視中大夫  
御女視元士後置女職以典內事內司視尚書令僕  
作司大監女侍中三官視二品監女尚書美人女史  
女賢人書史書女小書女五官視三品中才人供人

中使女生才人恭使宮人視四品春衣女酒女饗女  
食奚官女奴視五品

二月壬申吐谷渾送故夏主定于魏魏殺之

以呂祖謙  
標目修

解題曰按晉書載記自勃勃至定凡二十有六載而

亡

王容曰赫連三主二十五年匈奴左賢王劉毅之子淵興于汾晉而右賢王去罕之孫劉虎亦興于北方淵之後既衰而虎之後赫連勃勃浸盛至是亦滅矣

夏六月戊寅宋彭城王義康改領揚州刺史

以本  
紀修宋分

青州置冀州

以呂祖謙  
標目修

吐谷渾王慕瑱告捷于宋封為

隴西王

以通鑑修

庚寅魏主伐燕

以魏本紀修

秋七月庚午宋以

殷景仁為尚書僕射劉湛為領軍將軍

以本紀修

宋妖賊趙

廣反於蜀

以本紀修

魏主圍燕和龍取十部九月乙卯還

以呂

祖謙標目修

趙廣推程道養為蜀王圍成都

以呂祖謙標目修

解題曰程道養改元泰始宋庠紀年通譜泰始本晉

武帝年號

冬十二月燕故太子崇以遼西降魏

以稽古錄修

宋益州參

軍裴方明破趙廣

以列傳修

解題曰益州領蜀

宋成都府簡善彭

廣漢

成都潼川二府漢彭

二州懷安

巴西

順慶潼川二府閬巴蓬三州廣安石泉二軍之地

梓潼

隆慶

二府綿州石泉軍之地

遂寧

遂寧府善漢二州之地

江陽

屬眉

懷寧

屬成都府

寧蜀

潼川成都二府茂隆二州之地

越雋

敘州雋州之地

汶山

彭州永康軍之地

南

陰軍

屬漢

犍為

嘉定紹熙崇慶三府敘眉資普隆五州長寧軍之地

始康

屬成都府

晉熙

漢州

晉原

崇慶嘉定二府黎邛雅三州永康軍之地

宋寧

屬成都府

安固

屬偽

南漢中

屬漢

北陰平

屬隆慶州

武都

屬同慶府

新城

屬潼川府

南新

巴

屬南

晉壽

屬彭州

宋興

屬成都府

南宕渠

渠巴蓬達四州廣安軍之地



天水僑置東江陽屬紹熙府資瀘昌三州沈黎黎州舊州之地

## 郡二十九

宋太祖文皇帝元嘉十年

魏世祖太武皇帝延和二年

燕馮弘大興三年 涼

沮渠牧犍  
永和元年

春二月庚午魏封馮崇為遼西王以魏本紀修宋

裴方明擊程道養大敗走之

以通鑑修

夏四月涼王蒙遜卒

子牧犍立改元魏封為河西王

以呂祖謙標目修

五月宋裴方

明軍涪城趙廣等奔散

以呂祖謙標目修

秋九月戊午魏封楊

難當為南秦王冬十一月丁未楊難當陷漢中

以呂祖謙標目

修

解題曰楊難當改元建義宋庠紀年通譜建義本乞  
伏國仁年號漢中自晉建興二年陷于李雄三十三  
年而復康寧元年陷于苻堅十三年而復義熙元年  
楊盛據之九年而復宋元嘉十年楊難當陷之未幾  
而復梁天監四年元魏陷之三十一一年而復承聖元  
年西魏復陷之歷陳而不能復

十二月宋前臨川內史謝靈運伏誅

以列傳修

解題曰靈運家世為晉元勳屈身劉氏非其本心也  
觀其詩云韓亡子房奮秦帝魯連恥又臨終作詩云  
龔勝無餘生李業有終盡其意亦略可觀矣廣州之  
刑野史謂靈運舍司馬協少子正寢酣笑不止文帝  
聞而隱之諷主者劾以瀆貨史皆沒而不書餘見通  
鑑

魏立徐州於外黃

以呂祖謙  
標目修

解題曰外黃在今開封雍丘縣東六十里

甲戌

宋太祖文皇帝元嘉十一年

魏世祖太武皇帝延和三年

涼沮渠牧健永和二年

春二月丁卯魏寬徭賦

以魏本紀修

宋梁南秦

二州刺史蕭思話破楊難當閏三月復漢中

以通鑑本紀修魏

殺赫連昌

以呂祖謙標目修

辛巳燕王弘稱藩于魏

以朱熹綱目修夏

五月戊寅宋以沮渠牧健為河西王

以本紀修

六月辛亥魏

伐燕

以魏本紀修

宋太祖文皇帝元嘉十二年

魏世祖太武皇帝太延元年

燕馮弘大興五年

涼

沮渠牧健永和三年

春正月己未朔日有食之

以本紀修

燕王弘稱藩

于宋癸酉詔封之

以本紀修

甲申魏改元

以魏本紀修

夏四月宋

加殷景仁中書令中護軍

以通鑑修

六月戊申魏伐燕

以魏本紀

修

宋大水賑恤禁酒

以南史本紀修

冬宋禁擅鑄佛像造塔寺

以通鑑修

宋太祖文皇帝元嘉十三年

魏世祖太武皇帝太延二年

燕馮弘大興六年

涼

沮渠牧犍永和四年

春宋徵司空檀道濟三月己未併其諸子殺

之

以呂祖謙標目修

解題曰以討謝晦之事觀之文帝未必有殺道濟之

心殺之者劉湛也事見通鑑

魏伐燕

以呂祖謙  
標目修

楊難當稱秦王改元

以呂祖謙  
標目修

夏五

月乙卯燕王弘奔高麗

以呂祖謙  
標目修

解題曰跋以晉安帝義熙五年僭號至弘二世凡二

十八載

秋七月魏伐楊難當九月走之

以呂祖謙  
標目修

宋太祖文皇帝元嘉十四年

魏世祖太武皇帝太延三年

涼沮渠牧犍永和五年

夏四月趙廣降宋

以通鑑修

二月己丑魏詔吏民得告守令

罪

以魏本  
紀修

是歲西域十六國朝貢于魏

以魏本  
紀修

解題曰按三國志注西戎傳漢初開西域道時有三十六國後分為五十餘建武以來更相吞滅今有二十從燉煌玉門關入西域前有二道今有三道從玉門西出經婁羌轉西越葱嶺經懸度入大月氏為南道從玉門西出發都護并回三隴沙北頭經居盧倉從沙西井轉西北過龍堆到故接蘭轉西詣龜茲至葱嶺為中道從玉門西北出經橫坑辟三隴沙及龍

堆出五船北到車師界戊巳校尉所治高昌轉西與  
中道合龜茲為新道後魏西域傳散騎侍郎董琬高  
明等出鄯善凡所經見及傳聞太延中十六國分其  
地為四域自黃嶺以東流沙以西為一域黃嶺以西  
海曲以東為一域者舌以南月氏以北為一域兩海  
之間水澤以南為一域內諸小渠長益以百數其出  
西域本有二道後更為四出自玉門渡流沙西行二  
千里至鄯善為一道自玉門渡流沙北行二千二百



里至車師為一道從莎車南行一百里至葱嶺葱嶺  
西一千三百里至伽倍為一道自莎車西南五百里  
葱嶺西南一千三百里至沙路為一道南史列傳隋  
裴矩西域圖記自燉煌至西海凡三道北道從伊吾  
經蒲類海鐵勒部突厥可汗庭渡北流河至拂菻國  
達西海中道從高昌焉耆龜茲踈勒度葱嶺又經鑿  
汗蘇勒沙那國康國曹國何國安國穆國至波斯達  
西海南道從鄯善于闐朱俱波喝盤陀度葱嶺又經

護密吐火羅挹怛怛延漕國至北波羅門達西海

宋太祖文皇帝元嘉十五年

魏世祖太武皇帝太延四年

涼沮渠牧犍永和六年

春三月癸未魏罷沙門年五十已下

以魏本紀修

馮弘遣使

求迎于宋高麗殺之

以呂祖謙標目修

秋七月魏主伐柔然

以魏

紀傳

冬十一月丁卯朔日有食之

以通鑑修

十二月宋立玄

史文儒四學

以通鑑修

宋主仁厚恭儉勤於為政百官久於

其職守宰皆六朞四境晏安戶口蕃息後之言治者稱

元嘉焉

以通鑑修

宋太祖文皇帝元嘉十六年

魏世祖太武皇帝太延五年

涼沮渠牧犍永和七年

春正月庚寅宋彭城王義康為大將軍領司徒

以本紀修

月楊保宗奔魏庚寅魏以為武都王守上邽

以魏紀修

夏六

月甲辰魏主伐河西

以通鑑修

秋九月丙戌魏拔姑臧河西

王牧犍降酒泉太守沮渠無諱奔燉煌

以呂祖謙標目修

解題曰按載記蒙遜以晉安帝隆安元年稱州牧義

熙八年僭位元嘉十年死子為魏所擒合三十九載

而滅王容曰匈奴之後興于晉末惟赫連沮渠至是

滅矣五胡之後宋初尚有六國至是秦燕涼夏之地皆入于魏魏獨盛矣

戊子柔然襲魏不克而還

以魏紀  
傳修

冬十月癸亥魏張掖

王禿髮保周叛

以魏紀  
修

十二月宋東宮置兵與羽林等

以通

鑑修

解題曰胡寅曰善養太子者使之近正人見正事聞正言凡異端詭道無自入焉否則漢武為戾園置博望苑而敗矣太子之職舍問安侍膳守軍監國餘無

事焉否則楚成為商臣置宮甲而敗矣此二端前監  
甚明文帝皆犯之使太子延賓客盛兵衛是導之於  
亂也薛季宣曰時北伐再敗邑里蕭條唯荊州尚存  
衆卒十萬帝深思所以制之乃更東宮之兵至與羽  
林相若不知一旦禍起於父子之間非獨劬允忍亦  
勢之使然也事見通鑑

魏除田禁

以朱熹  
綱目修

魏以涼州索敞為中書博士常爽為

河西右相時魏方尚武功貴游不以講學為意敞勤於

誘導爽置館教授儒風始振

以呂祖謙  
標目修

宋太祖文皇帝元嘉十七年

魏世祖太武皇帝太平真君元年

春三月沮渠無諱陷

魏酒泉遂寇張掖

以呂祖謙  
標目修

夏四月戊午朔日有食之

以本  
紀修

六月魏改元

以魏  
紀修

解題曰宋庠紀年通譜皇孫生故大赦改元

魏討禿髮保周殺之

以通  
鑑修

秋七月丙申魏太后殂

通  
鑑壬

子宋皇后殂

以本  
紀修

八月甲申沮渠無諱降於魏

以通  
鑑修冬

十月戊午宋誅劉湛父子及其黨八人

解題曰按列傳湛所生母亡伏甲於室以待上臨弔

謀又泄竟弗之幸十月詔收付廷尉餘見通鑑

劉湛等結

黨欲排廢殷景仁司徒掾沈演之雅仗正義與湛等不同湛因讒之於義康嘗因論事不合義康變色曰自今而後我不復相信演之與景仁素善盡心于朝廷太祖甚嘉之以為尚書吏部郎

彭城王義康罷為江州刺史鎮豫章司空征北將軍開

府南兗州刺史江夏王義恭為司徒錄尚書事護軍將

軍殷景仁為揚州刺史十一月癸丑景仁卒

以本紀舉要歷補遺

修十二月宋後軍長史范曄吏部郎沈演之為左右衛

將軍後將軍司馬庾炳之為吏部郎參機密

以列傳修

解題曰按列傳左衛將軍范煜任參機密吏部尚書何尚之察其意趣異常白太祖宜出為廣州若在内釁成不得不加鈇鉞屢誅大臣有虧皇化上曰始誅劉湛等方欲超昇後進煜事迹未彰便豫黜斥萬方將謂卿等不能容才以我為信受讒說但使共知如此不憂致大變也餘見通鑑程頤易傳曰姤初六繫于金柅貞吉有攸往見凶羸豕孚蹢躅姤陰始生而



將長之卦制之當於其微而未盛之時承陰躁之物  
雖羸而在下然其心常在乎躡躅而消陽止之以金  
柅而又繫之使不得進則吉使之進而往則害陽見  
凶矣曄之事是也

是歲楊難當復稱武都王

以呂祖謙  
標目修

宋太祖文皇帝元嘉十八年  
魏世祖太武皇帝太平貞君二年

春正月癸卯魏以沮

渠無諱為酒泉王

以通鑑  
目錄修

甲辰宋彭城王義康都督江

交廣三州軍事前龍驤參軍扶令育諫賜死

以通鑑  
目錄修夏

四月魏伐酒泉冬十一月庚子拔之

紀以魏修

楊難當寇蜀

十二月宋遣梁秦二州刺史劉真道將軍裴方明討之

以呂祖謙  
標目修

解題曰按州郡志梁州漢為益治廣漢雒縣魏立梁

州治漢中江左於襄陽僑立李氏滅復舊譙縱刺史

治魏興縱滅治漢中苞中縣元嘉十年治南鄭領漢

中

宋興元府  
洋州之地

魏興

金均二  
州之地

新興

未詳

新城

襄陽府  
州之地

上

庸

金房二  
州之地

晉壽

隆慶府利閬巴三  
州大安軍之地

華陽

興元府  
之地

新巴

利州之地

北巴西

詳未

北陰平

僑置

南陰平

僑置

巴渠

達州之地

懷安

寄治州下

宋熙

利閬二州

白水

僑置

南上洛

均州之地

北上洛

金州之地

安

康

金州之地

南宕渠

僑置

懷漢

未詳

郡二十秦州晉治天水冀

縣孝武寄治襄陽安帝在南鄭領武都略陽安固西

京兆南太原南安馮翊隴西始平金城安定天水西

扶風北扶風

并僑置

郡十四

宋太祖文皇帝元嘉十九年  
魏世祖太武皇帝太平真君三年

春正月甲申魏主至

道壇受符籙自是每帝即位行之

以魏紀修

夏四月沮渠無

諱據鄩善李嵩孫寶據燉煌

以呂祖謙  
標目修

五月庚寅宋劉

真道裴方明平仇池立揚保熾揚難當奔魏秋七月丙

寅魏救之

以呂祖謙  
標目修

甲戌晦日有食之

本紀

九月沮渠無

諱據高昌宋封為河西王

以呂祖謙  
標目修

冬十月甲申柔然

聘宋

以本  
紀修

十二月丙申宋詔兗州修孔子廟

以本  
紀修

魏封

李寶為燉煌公

以魏  
紀修

宋雍州蠻叛

以通  
鑑修

解題曰雍州晉孝武於襄陽僑立領襄陽

今襄  
陽府

南陽

鄧唐  
二州

新野

襄陽鄧州棗  
陽信陽之地

順陽

屬鄧  
州

京兆

屬襄  
陽

始平

屬  
均

州扶風

襄陽光化之地

南上洛

僑置

河南

唐鄧

廣平

鄧唐光化之地

義

成

屬襄陽

馮翊

屬鄧州

南天水

屬襄陽

建昌

未詳

華山

屬襄陽

義

北河南

屬鄧州

弘農

未詳

郡十七

齊州郡志

晉太元

雍州

刺史

始督秦州未有刺

史隆安二年

郭銓始為梁南秦州刺史

義熙

以氏王為北秦州都

督常督秦州

梁州刺史

元興

秦州刺史

秦州刺史

秦州刺史

刺史十四年

置東秦州

刺史

永明

郡國志

秦州刺史

秦州刺史

秦州刺史

秦州刺史

秦州刺史

魏殺尚書李順

以列傳修

解題曰按魏書南史列傳世祖將討赫連昌謂崔浩

曰朕前北征李順獻策數事實合經略大計今欲使  
總攝前驅之事卿以為如何浩曰順智足周務然性  
果於去就不可專委乃止沮渠蒙遜內附世祖欲精  
簡行人崔浩曰李順即其人也以為太常策拜蒙遜  
使還世祖問蒙遜往復辭及其政得失順曰蒙遜不  
復周矣既而蒙遜死寵待彌厚政之巨細無所不參  
浩惡之順使涼州十有二返世祖稱其能而蒙遜數  
與順遊晏頗有悖言恐順洩之以金寶納順懷中故

蒙遜罪釁不聞浩知之密言於世祖未之信太延三年順復使涼州及還世祖問以將平河右計順以民勞既久不可頻動從之五年議征涼州順以涼州乏水草與浩廷諍世祖從浩議及至姑臧甚豐水草世祖謂浩曰卿昔所言今果驗矣浩曰臣之所言虛實皆如此類猶以寵舊未加其罪詔順差次群臣賜以爵位順頗受納品第不平涼州人發其事浩又毀之云順不忠若是反言臣讒之於陛下世祖大怒遂刑

之於城西後數年浩誅世祖謂其從父弟孝伯曰卿  
兄雖誤國朕意亦未便至此由浩譖毀朕忿遂盛殺  
卿兄者浩也

宋太祖文皇帝元嘉二十年

魏世祖太武皇帝太平真君四年

春二月魏取仇池

祖謙標目修

夏四月魏殺楊保宗楊文德自號仇池公

以魏紀修

六月庚寅魏復民贐賦三年

以魏紀修

秋七月癸丑宋以楊

文德為武都王

以本紀修

甲子宋殺前雍州刺史劉真道梁

南秦二州刺史裴方明

以呂祖謙標目修



解題曰按索虜傳魏主燾與太祖書曰彼前使裴方明取仇池既得疾其勇功不能容有臣如此尚殺之烏得與我校耶前日檀道濟之死魏既有吳子輩不足憚之言今又殺裴方明以快敵人心借曰藏匿金寶罪在不貸獨無議功之法乎欲圖中原乃先自廢其人此所以召飲江之禍也事見通鑑

九月魏主襲柔然

以魏紀修

冬十一月宋將軍姜道盛及揚

文德攻魏敗績

以本紀修

甲子魏詔太子晃總百揆功臣歸

第

以魏紀修

甲申

宋太祖文皇帝元嘉二十一年  
魏世祖太武皇帝太平真君五年

春正月戊申魏禁私

養沙門巫覡

以魏紀修

庚戌魏詔王公已下子詣太學百工

騶卒之子不聽私立學校

以魏紀修

二月己丑宋江夏王義

恭為太尉領司徒

以本紀修

夏六月宋大水

以宋書五行志修

沮渠

無諱卒弟安周立

以通鑑目錄修

魏罷胡神祀

以通鑑修

秋八月戊

辰宋以征西大將軍荊州刺史衡陽王義季為征北大

將軍開府南兖州刺史征北將軍南徐州刺史南譙王

義宣為車騎將軍荊州刺史

以本紀修

魏伐吐谷渾其王奔

白蘭

以呂祖謙標目修

冬十月宋徙兗州鎮須昌冀州鎮厯下

以通鑑修

解題曰今濟南府厯城縣齊厯下城也

是歲李寶朝于魏魏留之

以通鑑修

宋太祖文皇帝元嘉二十二年魏世祖太武皇帝太平真君六年

春正月辛卯朔宋始

用元嘉厯

本紀

壬辰宋以撫軍將軍南豫州刺史武陵王

駿為雍州刺史

以本紀修

解題曰按本紀自晉江左以來襄陽未有皇子重鎮  
時帝欲經略關河故有此授列傳二十三年何承天  
上表稱去歲三王出鎮思振遠圖則武陵南譙衡陽  
之出鎮皆伐魏之張本也餘見通鑑

二月魏詔中書以經義決疑獄

以本紀修

夏四月魏擊吐谷

渾

以魏紀修

魏伐鄯善

以魏紀修

六月戊子朔日有食之

通鑑目錄

宋

罷南豫州入豫州辛亥南豫州刺史南平王鐸為豫州

刺史

以本紀修

秋七月宋平羣蠻

以通鑑修

八月壬辰鄯善降魏

西域復通

以呂祖謙  
標目修

吐谷渾王走據于闐

以呂祖謙  
標目修

九

月魏盧冰胡蓋吳反於杏城河東薛永宗聚衆應之冬

十一月庚午魏討之

以呂祖謙  
標目修

魏掠宋青徐民以實河

北

以呂祖謙  
標目修

癸未魏主西狩

以通  
鑑修

十二月乙未宋太子

詹事范曄等謀反伏誅丁酉廢彭城王義康為庶人徙

安城

以呂祖謙  
標目修

是歲宋始備郊廟之樂

以通  
鑑修

宋太祖文皇帝元嘉二十三年

魏世祖太武皇帝太平真君七年

春正月魏主平薛永

宗二月丙戌至長安諸將大破蓋吳宋救之

以通  
鑑修

交州兵討林邑

以通鑑修

三月魏坑沙門

以呂祖謙標目修

解題曰按釋老志下詔曰昔漢荒君信惑邪偽妄假  
睡夢事胡妖鬼以亂天常自古九州之中無此也夸  
誕大言不本人情由是政教不行禮義大壞鬼道熾  
盛五服之內鞠為丘墟朕欲一切盪除胡神滅其蹤  
跡問今胡神共言皆是前世漢人無賴子弟劉元真  
呂伯彊之徒乞胡之誕言用老莊之虛假附而益之  
皆非真實蓋大姦之魁也餘見通鑑及咸通十四年

解題

魏攻宋兗豫青冀州

以本紀修

夏五月宋破林邑

以呂祖謙標目修

六月癸未朔日有食之

以本紀修

甲申魏築塞圍

以魏紀修

秋八月

魏蓋吳伏誅

以呂祖謙標目修

是歲宋大有年

以本紀修

宋立玄武

湖築景陽山

以本紀修

時宋王謝族盛北人晚渡者以儋荒

目之不得踐清塗

以呂祖謙標目修

吐谷渾復還舊土

以呂祖謙標目

修

宋太祖文皇帝元嘉二十四年  
魏世祖太武皇帝太平真君八年

春三月魏殺沮渠牧

捷

以呂祖謙  
標目修

夏六月宋鑄當兩大錢

以本  
紀修

冬十月壬午

宋胡誕世據豫章反討平之

以本  
紀修

十二月楊文德據葭

蘆五郡氏應之

以魏  
紀修

解題曰葭蘆今文州曲水縣蘆北故城是也

宋太祖文皇帝元嘉二十五年  
魏世祖太武皇帝太平真君九年

春正月魏擊楊文德

文德奔漢中

以魏紀  
宋傳修

二月魏山東饑罷塞園作

以魏  
紀修閏

二月宋吏部尚書庾炳之免

以本  
紀修

夏四月乙卯宋加撫

軍將軍武陵王駿為徐州刺史

以本  
紀修



解題曰按列傳王玄謨領汝陰太守時虜攻陷滑臺  
執朱修之玄謨上疏曰王途始開隨復淪塞非惟天  
時抑亦人事虎牢滑臺豈惟將之不良抑亦本之不  
固本之不固皆由民憚遠役臣請以西陽之魯陽襄  
陽之南鄉發甲卒分為兩道直趣淆澗征士無遠徭  
之思吏士有屢休之歌若欲以東國之衆經營宋洛  
道途既遠獨克實難玄謨每陳北征之策上謂殷景  
仁曰聞王玄謨陳說使人有封狼居意後為彭城太

守上表以彭城要兼水陸請以皇子撫臨州事乃以

孝武出鎮事見通鑑按州郡志徐州後漢治東海郯

縣魏晉宋治彭城明帝僑立治鍾離秦豫移治朐山

元徽分南兗州之鍾離豫州之馬頭秦郡之穀孰厯

陽之鄆立新昌郡徐州還治鍾離舊領彭城今屬徐州沛

屬徐宿下邳屬宿泗二蘭陵屬沂淮陽屬泗州淮東

亳三州

下邳

屬宿泗二州及淮陽

蘭陵

屬沂

淮陽

屬泗州淮陽漣水

東

海屬沂海東莞屬密沂東安屬沂琅邪屬沂陽平屬僑

海

屬沂海

東莞

屬密沂

東安

屬沂

琅邪

屬沂

陽平

屬僑

濟陰宋屬興仁府淮北濟陰屬興仁府郡十二鍾離

濟陰

宋屬興仁府淮

北濟陰

屬興仁府

郡十二鍾離

陽廣濟二軍

徐單二州

今屬濠州馬頭屬濠新昌郡屬滁

五月己卯宋罷大錢本紀秋九月魏擊焉耆大破之以呂

祖謙標冬十二月魏主伐柔然以通鑑修

宋太祖文皇帝元嘉二十六年魏世祖太武皇帝太平真君十年春正月甲戌魏主復

伐柔然走之魏紀秋七月辛未宋以南徐州刺史廣陵王

誕為雍州刺史罷江州軍府配雍州湘州入臺租稅給

襄陽以廣其資力以呂祖謙標目修九月魏主伐柔然大獲柔

然自是不敢犯塞以魏紀冬十月癸卯彗星入太微宋天

志宋雍州蠻反以通鑑修

宋太祖文皇帝元嘉二十七年

魏世祖太武皇帝太平真君十一年

春正月乙酉魏主

如洛陽

以魏紀修

宋雍州蠻降

以通鑑修

二月魏大治宮室

以魏紀修

魏主寇宋圍懸瓠

以呂祖謙標目修

三月宋減百官俸

以呂祖謙標目

修

夏四月魏主還

以通鑑修

宋以左衛將軍江湛為吏部尚

書

以通鑑修

六月己亥魏崔浩坐史事夷五族

以魏紀傳修

秋七

月庚午宋遣青冀二州刺史蕭斌等伐魏江夏王義恭

次彭城統諸軍

以魏紀傳修

宋貸富民貲

以通鑑修

乙亥魏礪礪成

走宋將軍王玄謨圍滑臺冬閏十月乙丑魏主渡河玄

謨走碣磝魏主至東平蕭斌退保厯城

以呂祖謙  
標目修

辛未

宋隨王誕遣軍克魏弘農十一月甲午克陝城至潼關

而還

以呂祖謙  
標目修

解題曰按水經注開山圖曰衝山在函谷山西南水

東注厯澗東北出謂之開方口宋將軍魯方平薛安

都等與柳元景北入軍次方伯堆者即方伯所築也

又東北逕邑川城南在函谷關南七里又東北流逕

故丘亭是安都軍所徙城也餘見通鑑

魏拔懸瓠癸卯殺宋將軍劉康祖於尉武

以本紀修

解題曰宋書劉康祖傳尉武去壽陽數十里餘見通

鑑

魏列傳永昌王仁出汝陰濟淮康祖屯尉武亭以邀軍路師人患之元愉曰風勁推草車乘風縱火

以精兵乘之破之必矣斬康祖

魏主攻彭城不克十二月庚午至瓜步請昏于宋宋報

之以通

鑑修

宋太祖文皇帝元嘉二十八年  
魏世祖太武皇帝正平元年

春正月丁亥魏退師

以呂

祖謙標  
目修

宋殺庶人義康

以通鑑  
目錄修

宋王玄謨還厯城魏取

礪礪

以呂祖謙  
標目修

魏主攻盱眙將軍臧質却之二月丙辰

至彭城江夏王義恭遣兵追之不及時南兗徐兗豫青

冀州殺掠無餘邑里蕭條元嘉之政衰矣

以通鑑及  
稽古錄修

宋

江夏王義恭降為驃騎將軍開府鎮軍將軍武陵王駿

為北中郎將三月庚子以輔國將軍臧質為雍州刺史

以本  
紀修

夏四月魏荊州刺史魯爽及其弟秀歸宋

以本  
紀修

月彗星入太微逼帝座

天文  
志修

解題曰按宋書天文志彗星見卷舌入太微逼帝座  
犯上相拂屏出端門滅翼軫

六月壬戌宋南兗州刺史武陵王駿都督江州荊州之

江夏豫州四郡軍事江州刺史

以本紀修

魏改元

以呂祖謙標目修

魏更定律令

以通鑑修

魏中常侍宗愛譖太子晃以憂卒

以呂

祖謙標目修

秋七月宋蕭斌王玄謨免官

以通鑑修

冬十月宋聘

魏魏報之

以呂祖謙標目修

十二月宋吏部郎中王僧綽為侍

中

以通鑑修



解題曰按列傳殷景仁與王華王曇首劉湛四人為侍中皆以風力局幹冠冕一時謝弘微與華等五臣參預機密湛誅景仁卒委任沈演之庾炳之范曄等後又有江湛何瑀之煜誅炳之免演之瑀之卒江湛為吏部尚書與徐湛之並居權要元嘉末太祖頗以後事為念以王僧綽年少欲大相付託朝政大小皆與參焉觀帝所委任如此則元嘉之治大畧可想矣

宋太祖文皇帝元嘉二十九年  
魏高宗文成皇帝拓跋浚興安元年

春二月甲寅魏宗

愛弒其主燾殺東平王翰迎立南安王余改元永平尊

皇后為皇太后愛為宰相專政

以呂祖謙  
標目修

夏六月己酉

宋遣將軍蕭思話等三道伐魏

以本  
紀修

秋七月宋太子劭

征北將軍開府始興王濬巫蠱事發赦不誅

以呂祖謙  
標目修

解題曰君親無將將而誅焉而文帝猶豫不斷以稔

大禍由辯之不早也事見通鑑

八月宋蕭思話攻碣磳不克丁卯退屯厯城

以呂祖謙  
標目修

解題曰文帝凡三用大師于魏到彥之之出魏人至

攝四鎮以相避雖其計叵測然是時虜之得河南尚  
新守備未固猶有畏懼之心也暨王玄謨之出則相  
去二十年矣虜方席其滅夏滅涼滅燕之餘威非前  
比也故當時僅能取碣磳而力屈於滑臺適以召飲  
江之恥耳及今年之役蓋因魏主燾之死欲乘喪以  
取償然輕舉妄動雖碣磳亦不可復得力愈用而愈  
屈文帝曷亦奠而後發也哉事見通鑑

九月宋冠軍司馬柳元景至潼關司州刺史魯爽攻虎

牢皆還

以本紀  
通鑑修

解題曰王玄謨之伐魏也柳元景輩取弘農潼關關  
中響應及蕭思話之再行也元景亦進據洪關然無  
損於魏者以玄謨思話之無功也使元景敗於關陝  
當無害於玄謨思話玄謨思話敗則元景無能為矣  
勢之緩急輕重異也事見通鑑

冬十月丙午朔魏宗愛弒其主余羽林郎中劉尼等誅  
愛迎皇孫濬即皇帝位改元追尊父妣為帝后保母為

保太后

以呂祖謙  
標目修

解題曰宋庠紀年通譜不俟踰年而改元

宋西陽蠻反

以通鑑修


十二月乙卯魏復佛法

呂祖謙  
標目

魏用

玄始厯

以魏紀修



大事記續編卷三十六

# 欽定四庫全書

史部

大事記續編卷四十七至

詳校官檢討

臣朱依昊

編修

臣裴謙履勛

總校官編修

臣倉聖脉

校對官助教

臣胡予襄

謄錄監生

臣張曾詣

欽定四庫全書

大事記續編卷三十七

明 王禕 撰

宋太祖文皇帝元嘉三十年  
魏高宗文成皇帝興安二年

春正月戊子宋武陵王駿

討叛蠻

以本紀修

二月甲子宋太子劭弑其父殺尚書僕射

護軍將軍徐湛之吏部尚書江湛而自立改元太初

以呂

祖謙標目修

解題曰沈約曰太祖幼年特秀顧無保傅之嚴而天

授和敏之姿自稟君人之德及正位南面厯年長久



綱維備舉條禁明密罰有恒科爵無濫品故能內清  
外晏四海謚如也昔漢氏東京常稱建武永平故事  
自茲厥後亦每以元嘉爲言斯固盛矣授將遣師乖  
分閫之命才謝光武而遙制兵畧至於攻日戰時莫  
不仰聽成筭雖覆師喪旅將非韓白而延寇虜境抑  
此之由及至言漏衾社難結商豎雖禍生非慮蓋亦  
有以成之嗚呼哀哉宋庠紀年通譜太初本漢武帝  
符登乞伏乾歸禿髮烏孤年號

三月魏尊保太后爲皇太后

以本紀修

宋殺侍中王僧綽

以呂

祖謙標目修

庚寅宋武陵王駿舉兵討劭司空南譙王義宣

及雍州刺史臧質同州刺史魯爽皆應之乙未武陵王駿發尋陽夏四月甲子前鋒柳元景大破劭兵于新亭丁卯江夏王義恭出奔已巳武陵王駿即皇帝位以義恭爲太尉都督徐南徐二州軍事太尉領司徒義宣爲中書監丞相揚州刺史並錄尚書六條事

解題曰按宋書百官志王導爲丞相罷司徒府義宣

爲丞相司徒府如故

臧質爲車騎將軍江州刺史將軍沈慶之爲領軍將軍  
五月丙子克臺城劭及衛將軍開府始興王濬等伏誅  
甲申尊所生母路淑媛爲皇太后乙酉立妃王氏爲皇  
后壬辰以義恭爲太傅領大司馬六月丙午還宮置殿  
門上閣屯兵己酉以魯爽爲南豫州刺史

以本紀呂祖  
謀標目修

解題曰薛季宣曰孝武謂前日之釁近在東宮東宮  
藏甲與禁旅競殆也乃增殿閣諸屯而併省太子營

衛宋雜號將軍往往爲寄祿而掌禁兵則自二衛將軍而下有伏主隊主幢主鎧主細伏細鎧主隊主  
軍主至是有直閤將軍防閤將軍閤主齋卽直寢左右提刀之類大見寵任而中郎將騎諸營又爲外兵矣

閏月乙亥魏太皇太后殂

以本紀修

甲午宋丞相南郡王義

宣都督荆湘等分州軍事荆湘二州刺史

以本紀修

宋置衛

尉官

本紀

解題曰按宋書列傳晉氏過江不置城門校尉及衛

尉官孝武欲重城禁故復置衛尉卿衛尉之置自恢

始也

恢南譙王義宣子也

秋七月辛丑朔日有食之既宋詔求直言中軍錄事參

軍周朗上書忤旨

以紀傳修

宋郡縣以三周爲滿

以呂祖謙標目修

己巳宋殺司空南平王鏐

以通鑑修

宋南海太守蕭簡反九

月丁卯討平之

以本紀修

冬十二月癸未宋省太子率更令

等官減中庶子等員

以本紀修

宋世祖孝武皇帝劉駿孝建元年

春正月己亥朔宋改

魏高宗文成皇帝光興元年

元

以本紀修

解題曰宋庠紀年通譜義取誅滅凶逆克用孝道

壬戌宋更鑄四銖錢

本紀

解題曰王容曰用年號爲錢文自此始

宋立子子業爲皇太子

以本紀修

二月宋南郡王義宣及臧

質魯爽兗州刺史徐遺寶反

解題曰宋庠紀年通譜興改元建平本漢哀帝石勒慕容盛慕容德白亞栗斯年號

巳卯以領軍將軍柳元景爲撫軍將軍辛卯左衛將軍

王玄謨爲豫州刺史討義宣癸巳玄謨進據梁山丙申以安北司馬夏侯祖歡爲兗州刺史三月遣寶奔兗夏四月南兗州刺史沈慶之討兗於厯陽爽伏誅五月甲寅質攻梁山玄謨大破走之義宣走六月戊辰質伏誅

于武昌

以本紀呂祖謙標目修

解題曰按寰宇記太平州當塗縣西南三十里有東梁山梁山宋孝武詔曰層岫雲峙流間海岳天表象魏以旌國形仍以二山爲立闕故曰天門焉

初晉以揚州爲京畿穀帛所資皆出焉荆江爲重鎮甲  
兵所聚皆在焉宋主惡其強癸未分揚州置東揚州分  
荆湘江豫州置郢州罷南蠻校尉

以本  
紀修

解題曰按州郡志分揚州之會稽東陽新安永嘉臨  
海五郡爲東揚州分荊州之江夏竟陵隨武陵天門  
湘州之巴陵江州之武昌豫州之西陽又以南郡之  
州陵監利二縣屬巴陵立郢州

戊子宋省錄尚書事

本紀



解題曰大難甫夷外則置東揚郢州以奪揚荆江之勢內則省錄尚書事以削宰相之權豈亦有所懲戒而然乎

庚寅宋南郡王義宣伏誅

以呂祖謙標目修

秋七月丙申朔日

有食之既

以本紀及志修

辛丑魏改元

以呂祖謙標目修

宋世祖孝武皇帝孝建二年春二月丙寅宋沈慶之以魏高宗文成皇帝太安元年

始興公就第

以通鑑修

解題曰慶之之請老蓋亦畧窺孝武之所爲矣然竟

亦不免於子業之世明哲保身豈易言哉事見通鑑

夏六月壬戌魏改元

以呂祖謙  
標目修

解題曰宋庠紀年通譜太安本晉惠帝符丕呂光年

號

秋八月宋殺征虜將軍雍州刺史武昌王渾

以本  
紀修

宋郊

廟初設備樂

以通  
鑑修

冬十月宋江夏王義恭領揚州刺史

以本  
紀修

已未宋裁損王侯制度二十四條

以呂祖謙  
標目修

宋世祖孝武皇帝孝建三年  
魏高宗文成皇帝太安二年

春正月乙卯魏立貴人馮

氏爲后

以呂祖謙  
標目修

二月丁巳魏立子宏爲太子

以呂祖謙  
標目

修秋七月丙子宋南兗州刺史西陽王子尚爲揚州刺

史

以本  
紀修

解題曰子尚子業之母弟也

冬十月丙午宋江夏王義恭爲太宰領司徒

以本  
紀修

十一

月魏隴西王源賀請宥死刑輕者守邊

以呂祖謙  
標目修

十二

月宋移青州并鎮厯城

以呂祖謙  
標目修

宋世祖孝武皇帝大明元年春正月辛亥朔宋改元

以本

魏高宗文成皇帝太安三年

紀修

二月魏攻宋兗州尋退

以呂祖謙  
標目修

夏六月丁亥宋出

丹陽尹顏竣爲東揚州刺史

以本  
紀修

秋八月甲辰宋以司

空南徐州刺史竟陵王誕爲南兗州刺史太子詹事劉

延孫爲南徐州刺史

以本  
紀修

解題曰按列傳先是高祖遺詔京口要地去都密邇

非宗室近戚不得居之延孫與帝室雖同彭城人由

來不序昭穆不應有此授時竟陵王誕爲徐州上深

相畏忌不欲使居京口遷之廣陵與京口對岸欲使

腹心爲徐州以防誕故以授延孫而與之合族餘見

通鑑

荊州居上流之重地廣兵強資實兵甲居朝廷

特有此授高祖遺詔京口必擇近戚而不及疎族  
至於荊州雖近戚亦不得授必帝子然後居之則荊

州地望又重  
於京口矣

宋世祖孝武皇帝大明二年春正月魏設酒禁增內外

魏高宗文成皇帝太安四年

候官

以通鑑修

三月魏中書侍郎高允爲中書令

以魏傳夏

通鑑修

六月戊寅宋吏部置尚書二人

以呂祖謙  
標目修

解題曰帝又奪選部之權也

秋宋詔沙汰沙門尋寢

以呂祖謙標目修

八月丙戌宋殺中書

令王僧達

以本紀修

冬十月魏攻宋清口敗退

以魏紀修

解題曰水經注濟水又北汶水注之戴延之所謂清口也郭緣生述征記清河首受洪水北流濟或謂清即濟也禹貢濟東北會于汶今枯渠注巨澤北則清濟與汶會也詳見晉太寧二年泗口解題

十一月魏主伐柔然

以魏紀修

時宋主親覽朝政不任大臣

委寄南臺侍御史中書通事舍人戴法興戴明寶等

以呂

祖謙標

目修

宋世祖孝武皇帝大明三年春二月乙卯宋揚州六郡

魏高宗文成皇帝太安五年

爲王畿以東揚州爲揚州

以呂祖謙  
標目修

解題曰按州郡志揚州管郡十既分五郡爲東揚州  
揚州止有丹楊吳郡吳興淮南宣城五郡不知何以  
謂之六郡當攷

夏四月宋司空竟陵王誕反以沈慶之爲車騎大將軍

南兖州刺史討之

以本  
紀修

解題曰按宋史列傳及後魏書列傳誕表曰往年元  
凶禍逆陛下入討臣背凶赴順可謂常節及丞相構  
難臧魯協從朝野怱忽咸懷憂懼陛下欲建百官羽  
儀星馳推奉臣前後固執方賜允俞社稷獲全是誰  
之力右軍宣簡爰及武昌皆以無罪並遇枉酷時帝  
淫亂無度烝其母路氏顏竣恃舊每戲弄之慚怒殺竣餘  
見通鑑

五月宋殺顏竣

以列傳修

秋七月宋竟陵王誕伏誅

以本紀修



解題曰按宋史列傳上聞廣陵平輿駕出宣陽門敕左右文武叫稱萬歲侍中蔡興宗時陪輦帝顧曰卿獨不叫興宗從容正色答曰陛下今日政應涕泣行誅豈得軍中皆稱萬歲帝不悅餘見通鑑呂祖謙曰王子猷享五大夫樂及徧舞鄭伯見虢叔曰哀樂失時殃咎必至鄭伯享王樂備原伯曰鄭伯效尤其亦將有咎子猷奸王之位固不應用此樂鄭伯納王之後正功成之時用之似未害而謂之效尤者蓋子猷

王之叔父初殺其叔豈宜用樂宋竟陵王敗死武帝令左右皆呼萬歲蔡興宗正色言之蓋此意也

九月宋築上林苑

以本紀修

來世祖孝武皇帝大明四年魏高宗文成皇帝和平元年

春正月甲子朔魏改元

魏

紀修夏六月魏伐吐谷渾

以魏紀修

魏復置史官

以呂祖謙標目修

冬

十月宋殺前廬陵內史周朗

以呂祖謙標目修

是歲宋徵青冀

二州刺史顏師伯爲侍中

以通鑑修

柔然攻高昌滅沮渠氏

以呂祖謙標目修

宋世祖孝武皇帝大明五年夏四月丙午宋雍州刺史

魏高宗文成皇帝和平二年

以呂祖謙標目修

海陵王休茂反伏誅

魏大旱復羣祀

九月甲寅朔日有食之

以魏紀修

冬十二月甲戌宋制民戶

歲輸布四疋

以通鑑修

是歲宋詔士族雜昏者補將吏

以通鑑修

宋世祖孝武皇帝大明六年春二月乙卯宋復百官祿

以本紀修

三月丁未宋殺前廣陵太守沈懷文

以呂祖謙標目修

夏

四月宋貴妃殷氏卒

以通鑑修

解題曰按宋史列傳南郡王義宣女也義宣敗後帝

密取之寵冠後宮假姓殷氏或云殷琰家人入義宣家義宣敗入宮云事見通鑑

冬十月壬申宋葬殷貴妃

以呂祖謙標目修

是歲宋南徐州從

事史祖沖之上新厯不果用

以厯志修

解題曰葉適曰自蔡邕杜預用新術治厯至何承天祖沖之攷索愈精承天以月蝕之衝推日躔次沖之定古術之作在漢初周末所謂求詳於未差之前蓋劉歆班固所不能到也事見通鑑

宋世祖孝武皇帝大明七年春正月庚寅宋以晉安王

魏高宗文成皇帝和平四年

子勛爲前將軍江州刺史

以本紀修

夏四月甲子宋詔非軍

陳不得專殺

以呂祖謙標目修

冬十二月辛丑魏制喪葬嫁娶

條格

以魏紀修

已未宋江夏王義恭加尚書令

以通鑑修

宋大

脩宮室

以呂祖謙標目修

宋世祖孝武皇帝大明八年

夏閏五月壬寅宋江夏王

魏高宗文成皇帝和平五年

義恭領太尉

以通鑑修

庚申宋主殂太子子業即皇帝位江

夏王義恭解尚書令加中書監驃騎大將軍柳元景領

尚書令輔政大事與沈慶之參決甲子義恭錄尚書事

元景開府

以呂祖謙  
標目修

秋七月庚戌宋尊皇太后曰太皇

太后皇后曰皇太后乙卯罷孝建以來所改制度

以本  
紀修

宋江夏王義恭避事政歸戴法興等

以通  
鑑修

八月己丑宋

皇太后殂

以本  
紀修

是歲宋青州移治東陽

以通  
鑑修

宋太宗明皇帝泰始元年  
魏高宗文成皇帝和平六年

春正月乙未朔宋改元永

光

以呂祖謙  
標目修

解題曰宋庠紀年通譜永光本漢元帝年號

二月庚寅宋更鑄二銖錢

紀以本修

初魏世祖經營四方國

頗虛耗重以內難高宗與時消息懷集中外民心復安

夏五月癸卯魏主殂甲辰太子弘即皇帝位尊皇后曰

皇太后

以呂祖謙  
標目修

戊申魏車騎大將軍乙渾殺司徒平

原王陸麗等已酉自爲太尉錄尚書事

紀以本修

六月魏開

酒禁

紀以本修

魏上謚曰文成皇帝廟號高宗

紀以本修

秋七月

癸巳魏乙渾自爲丞相

紀以本修

八月魏葬金陵

紀以本修

辛酉

宋殺越騎校尉戴法興等癸酉殺江夏王義恭柳元景

尚書僕射顏師伯等改元景和

以呂祖謙標目修

宋并東揚州

於揚州

以呂祖謙標目修

九月辛丑宋殺南徐州刺史新安王

子鸞

以本紀修

已酉宋主討征北將軍徐州刺史義陽王昶

昶出奔魏

以呂祖謙標目修

甲寅宋以安西長史袁顗爲雍州

刺史

以本紀修

宋聽民私鑄錢

以本紀修

冬十一月宋寧朔將軍何

邁謀立鎮軍將軍江州刺史晉安王子勛

以本紀修

宋殺太

尉沈慶之

以本紀修

壬寅宋立皇后路氏

以本紀修

宋主拘錄諸

父南豫州刺史湘東王彧等於殿內賜晉安王子勛死



長史鄧琬奉子勛反於尋陽

紀以本修

戊午宋主殺南平王

鑠三子或弑之己未殺司徒揚州刺史豫章王子尚十

二月癸亥驃騎大將軍建安王休仁爲司徒尚書令揚

州刺史丙寅或即皇帝位改元

紀本

解題曰宋庠紀年通譜泰始本晉武帝程道養年號

戊寅尊太皇太后爲崇憲皇太后立妃王氏爲皇后

紀以

傳呂祖謙  
標目修

解題曰按后妃傳晉武帝採漢魏之制置貴嬪夫人

貴人是爲三夫人位視三公淑妃淑媛淑儀脩華脩容脩儀婕妤容華充華是爲九嬪位視九卿其餘有美人才人中才人爵視千石以下至宋高祖省二才人世祖省夫人脩華脩容置貴妃位比相國進貴嬪位比丞相貴人位比三司以爲三夫人又置昭儀昭容昭華以代脩華脩儀脩容又置中才人充衣以爲散位太宗省淑妃昭華中才人充衣復置脩華脩儀脩容才人良人又省貴人置貴姬以備三夫人之數

又置昭華增淑容承徽列榮以淑媛淑儀淑容昭華

昭儀昭容脩華脩儀脩容爲九嬪婕妤容華充華承

徽列榮凡五職亞九嬪美人中才人才人三職爲散

役其後擬外百官備位置內職沈約論曰元嘉以降內職稍繁椒庭傍觀

千門萬戶而淫粧怪飾變炫無窮自漢氏昭陽之輪奐魏室九華之昭曜曾不能槩其萬一

宋罷二銖錢禁鵝眼緹環錢以通鑑修宋雍郢荊州會稽皆

應晉安王子勛以朱熹綱目修

宋太宗明皇帝泰始二年春正月己丑朔魏魏顯祖獻文皇帝拓跋弘天安元年

改元以魏紀修甲午宋建安王休仁都督征討軍事乙未子

勛即皇帝位改元義嘉徐司豫青冀湘廣梁益州皆應

之兗州刺史殷孝祖赴建康遣都督前鋒加撫軍將軍

時吳郡吳興義興晉陵山陽並應子勛宋主分軍討壽

陽會稽

以本紀呂祖謙標目修

解題曰按州郡志廣州領南海宋廣惠循二州蒼梧

梧封昭藤晉康德慶府高藤新寧肇慶德慶府新永

平梧潯昭三海昌屬高宋熙屬肇寧浦橫晉興邕象

廉鬱林六  
州之地

樂昌

肇慶府廣橫  
二州之地

郡十

壬子宋主弒崇憲皇太后

以宋  
書修

解題曰按宋史列傳初明帝少失所生爲太后所撫  
養撫愛甚篤及即位供奉禮儀不異舊日及聞義嘉  
難作太后心幸之延上飲酒置毒以進侍者引上衣  
上悟起以其庖上壽是日太后崩秘之

二月己未朔宋將軍吳喜平義興

以通鑑修

庚申魏乙渾謀

反伏誅太后臨朝高允等參大政

以通鑑修

宋吳喜平會稽

定二吳

以呂祖謙  
標目修

宋晉安王子勛前鋒據赭圻三月庚

寅殷孝祖戰死之辛卯撫軍將軍沈攸之大破之賊保

濃湖

以通鑑修

壬子宋斷新錢專用古錢

本紀

夏四月辛酉宋

拔赭圻

以呂祖謙  
標目修

秋七月丁酉宋以仇池太守揚僧嗣

爲武都王

以本紀修

己亥宋將軍張興世城錢溪八月濃湖

軍潰輔國將軍沈攸之等克尋陽殺子勛

解題曰按宋書齊書本紀列傳泰始元年十二月鎮

軍將軍江州刺史晉安王子勛反長史鄧琬爲其謀

主雍州刺史袁顗率衆赴之二年正月甲午司徒建

安王休仁都督征討諸軍事王玄謨除大將軍江州

刺史副建安王於赭圻沈攸之爲尋陽太守率軍據

虎檻

在繁昌縣東五十里

乙未子勛即皇帝位四方貢計皆歸

尋陽朝廷所保唯丹陽淮南數郡兗州刺史殷孝祖

入衛京都仍遣孝祖前鋒南伐二月鄧琬遣孫冲之

帥將軍薛常寶等前鋒一萬攻赭圻冲之於道與子

勛書曰舟楫已辦器械亦整人爭效命便欲沿流挂

帆直取白下領速遣陶亮衆軍兼行相接分據新亭  
南洲則一麾定矣乃加沖之左衛將軍以陶亮爲右  
衛將軍統州兵俱下亮本無幹畧聞休仁自上殷孝  
祖又至不敢進屯軍鵲州三月三日水陸攻赭圻亮  
等率衆來救殷孝祖爲流矢所中死建安王休仁遣  
將軍江方興劉靈遺各領三千赴赭圻攸之以爲孝  
祖既死賊有乘勝之心明日若不更攻則示之以弱  
方興名位相亞必不爲已下軍政不一致敗之由乃



率諸軍主詣方輿曰四方並反國家所保無復百里之地唯有殷孝祖爲朝廷所委賴鋒鏑纔交輿尸而反文武喪氣事之濟否唯在明旦一戰戰若不捷則大事去矣詰朝之事諸人咸謂吾應統之自卜懦薄幹畧不辦及卿今輒相推爲統但當相與戮力耳方輿甚悅攸之既出諸軍主並尤之攸之曰吾本以濟國活家豈計彼此之升降且我能下彼彼必不能下我共濟艱難豈可自厝同異沖之謂陶亮曰殷孝祖

裒將一戰便死天下事定矣不須復戰便當直取京

都亮不從明旦大破賊於城外追奔至姥山

在當塗縣西北

四十五里馬鞍山之北

冲之等於湖白口

蕪湖縣東南五十里有白岸湖

築二

城爲張興世所拔尋假沈攸之節代孝祖督前鋒諸

軍事陶亮聞二城陷大懼急呼冲之還鵲尾畱薛常

寶代守先於姥山及諸岡分立營砦亦敗還共保濃

湖

濃湖即在鵲尾

鄧琬又遣豫州刺史劉胡率衆三萬鐵騎

二千屯鵲尾攸之等甚憚之胡入鵲尾無他權畧將

軍吳喜平三吳率所領五千人至赭圻於戰鳥山築

壘

今南陵縣南十五里有戰鳥山在赭圻下流十許里

攸之分遣水軍乘勢進

討常寶在赭圻食盡劉胡以囊盛米繫流查及船腹

陽覆船順風流下以餉赭圻攸之疑其有異遣人取

船及流查大得囊米劉胡率步卒一萬夜斫山開道

以布囊運米餉赭圻平旦至城下猶隔小塹未能入

攸之帥衆軍攻之殊死戰胡衆大敗捨糧棄甲緣山

走追獲甚衆常寶惶懼無計四月開城突圍走攸之

率諸軍擊之赭圻城陷建安王休仁自虎檻進屯赭圻劉胡遣陳紹宗出鵠外挑戰吳喜等擊之追至鵠裏而還攸之等與胡相持久不決上又遣將軍任農夫等領兵繼至六月雍州刺史袁顗率樓船千艘來入鵠尾張興世建議曰賊據上流兵彊地勝我今雖相持有餘而制敵不足今若以兵數千潛出其上因險自固隨宜斷截制賊之奇莫過於此攸之吳喜並贊其計興世乃令輕舸沂流而上旋復回還三日輒

復如此使不爲之備劉胡笑之興世曰上流唯有錢  
溪可據地既險要江又甚狹去大衆不遠江有洄洑  
船下必來泊岸有橫浦可以藏船乃夜渡湖口至鵲

頭

元和郡縣志鵲頭鎮在宣州南陵縣西一百一十里即春秋時鵲岸也沿流八十里有鵲尾洲吳時

屯兵處秋浦志鵲尾在江北鵲頭在江南

因復回不疑之四更值風直前

賊再遣胡靈秀諸軍於東岸相翼而上夕住景洪浦  
宿賊亦不進夜潛遣黃道標領七十舸徑據錢溪立  
城砦明旦興世與軍齊集停一宿劉胡自領二十六

軍平旦來攻將士欲迎擊之興世禁之曰賊來尚遠而氣盛矢驟驟既力盡盛亦易衰治城如故賊來轉近乃命壽寂之任農夫率壯士擊之胡敗走時城壘未固建安王休仁慮賊并力攻錢溪命攸之等攻濃湖苦戰連日是日胡果率衆軍欲更攻錢溪未至數十里袁顗以濃湖之急遽追之錢溪城由此得立劉亮率衆所領至胡砦下胡遣其副孫遲取亮不能得亮左右斬遲袁顗曰賊入我肝臟裏何由得活興世

糧盡爲賊所逼將軍李安民主舟乘數百越賊五城  
送米與興世劉胡帥輕舸四百由鵲頭內路欲攻錢  
溪既而謂其長史王念叔曰吾少習步戰未開水關  
非萬全之計吾不爲也乃託瘡疾住鵲頭不進遣將  
軍陳慶領三百舸向錢溪戒不須戰慶於梅根立砦  
今銅陵縣有梅根治胡遣王起領百舸攻興世興世大破之胡  
馳還顓更使胡攻興世休仁命攸之等攻濃湖造皮  
艦千乘拔其營柵苦戰移日大破之顓急召胡還尋

陽遣軍至南陵

銅陵本漢南陵縣

不敢下賊衆漸饑胡遣安

北府司馬沈仲玉領千人步取南陵迎糧仲玉領米

三十萬斛錢布數十舫豎榜爲城規欲突過行至貴

口

在今池州貴池縣

不敢進胡遣重軍援接興世寂之農夫

安民等三千人至貴口擊之仲玉走還顓營悉虜其

資實胡衆駭懼胡誑顓云更帥步騎二萬上取興世

兼下大雷餘譚令顓悉度馬配之其夜委顓趣梅根

先令薛常寶辦船悉發南陵諸軍燒大雷諸城而走



顓聞胡走亦棄衆西奔至青林見殺餘見通鑑

九月宋殺郢州刺史安陸王子綏荊州刺史臨海王子

頊湘州刺史邵陵王子元

以呂祖謙  
標目修

巳酉魏初立郡學

以本  
紀修

冬十月乙卯宋殺永嘉王子仁等十人世祖二十

八子至是遂盡

以本  
紀修

宋徐州刺史薛安都汝南太守常

珍奇等降乙亥命將軍張永等迎之安都珍奇降魏

以呂

祖謙  
目修  
標

解題曰太宗謂蔡興宗曰頃日人情云何事當濟否

興宗曰今商旅斷絕而米甚豐賤四方雲合而人情更安以此卜之清蕩可必但臣之所憂更在事後褚淵以手版築興宗興宗言之不已上曰如卿言今事猶未平也至是帝之念慮已異前日賈勇示威遂使降者轉側興宗之慮豈不遠哉事見通鑑

戊寅宋立子昱爲太子

以呂祖謙標目修

魏救彭城懸瓠十一

月壬子宋兗州刺史畢衆敬降之

以通鑑修

解題曰按魏書列傳安都以城入魏衆敬不同其謀

子元賓以母并百口悉在彭城恐交致禍日夜啼泣遣請衆敬衆敬猶未從之衆敬先已遣表謝授兗州刺史而以元賓有他罪獨不捨之衆敬拔刀斫柱曰皓首之年唯有此子今不原貸何用獨全遂以城降魏夫以他罪殺一畢元賓而兗州喪敗則前日蔡興宗所謂普天同逆宜鎮以靜以至信待人逆徒親戚布在宮省宜明罪不相及之義者豈非至言也哉事見通鑑

十二月宋豫州刺史殷琰益州刺史蕭惠開梁州刺史

柳元怙降益州刺史劉劬克壽陽

以本紀通鑑修

是歲宋僑立

兗州於淮陰徐州於鍾離青冀二州於鬱洲

以本紀通鑑修

大事記續編卷三十七